

DIPEELETŠO

 Moso wo mobotse, go yo mongwe le yo mongwe. Ke thabile kudu go ba mo. Ke mohuta wo mokopana. Le swanetše go gogela se fase gannyane nthathana. Se ke mohuta wa go makatša go nna, go beng fa mosong wo, gobane ke be ke swanetše go be ke tlogela toropokgolo mosong wo ka iri ya boselela, go ya e ka ba dimaele tše lekgolo le masometlhano leboa go tloga mo, le bagwera tsoko. Gomme kafao ge ba mpoditše ke be ke swanetše go ba fa mosong wo go bolela mo difihlolong, ke bile mokgwa wa go swanelo go hlaganelo le go fetola lenaneo la rena gannyane. Ka mehla ke monyetla, go le bjalo, go ba moo batho ba Morena ba lego. “Fao go lego setoto, dintšhu di tla kgobokana.”

² Gomme ke thabile kudu go ba mo le go kopana le bagwera bohole ba rena gape, kopanelo ye kaone ye. Le ka eleletša ka fao ke ikwelago, go ema fa le monna yo a bego a rera Ebangedi ge ke be ke sa le moisa yo monnyane nthathana, gomme—gomme seo se tšeа nako ye telele morago. Gomme, eupša, ke leboga kudu go kgobokana fa le batho.

³ Gomme bjale, bošego bjo ke bošego bjo bongwe bjo bogolo, re letetše Modimo go dira dilo tše kgolo.

⁴ Gomme go kgabola beke ye, ke bile le monyetla wa—wa go ya godimo le fase go kgabola Maricopa Valley mo, go bolela le batho ka dikerekeng tša bona. Gomme re bile le nako ye kgolo. Re thabetše ya gagwe kudu... kopanelo, le ya Moya wo Mokgethwa magareng ga batho ba Gagwe.

⁵ Gomme ke lebeletše pele, gape, go Lamorena morago ga sekgalela, ge ke... ke monyetla wa ka go bolela gape Lamorena morago ga sekgalela. Gomme, morago, Mošupologo bošego moletlwaneng. Bjale, ke a tshepa gore tšohle tšeо di dirwago goba di boletšwego, re tla—re tla ba le sehloa se segolo Mošupologo bošego. Ngwanešu Oral Roberts o kgethilwe go bolela kopanong ye ya moletlwana. Gomme re... Re nyaka go mo rapediša. Re a rapela gore Modimo o tla mo fa molaetša wo mobjalo wo o tla—o tla romelago Phoenix matolong a yona, e roromela, le a bona, go šišinya bjona Bogona bja Modimo ka—ka pele ga batho. Gomme re holofela seo go tla go phethega.

⁶ Gomme gohle go bapa le mothalo, se sengwe le se sengwe seo se dirilwego, re a tshepa se tla tlogela kgopolو ye bjalo godimo ga Phoenix, gore ba ka se tsoge ba swana. Gomme batho ba ba bego ba le mo gomme ba tla ya morago ka ditoropongkgolo tša bona beng, ba ka se ye morago ka tsela ye ba tlilego ntle. Ba ya morago, ba šušumeditšwe, gomme ka maikemišetšo a mantši go dira mošomo wa Morena, ka pono ye mpsha go tšwa go Modimo.

⁷ Ke fa ka lebaka la pono. Gomme ge e ka ba mang wa lena a kile a tsea e ka ba efe ya ditheipi... Ga se nna morekiši wa theipi. Nnete, re na le kgwebo ya theipi go dikologa lefase. Eupša ge o kile wa reka theipi go tšwa go nna, goba, e sego go tšwa go nna, eupša go tšwa go Mna. Maguire. O fa felotsoko, o tsea ditheipi, mosong wo, ke a nagana. Hwetša yela, *Ke Nako Mang, Mohlomphegi?* Ke eme ka lefelong go fihla ga—ga ke tsebe mosepelo wa go latela.

⁸ Ke bone dipono ge e sa le ke le mošemane yo monnyane. Selo sa pele ke kgonago go se elelwa, go nyakile, ka bophelong, e be e le pono. Gomme nna, pele ga batho go tšwa e ka ba kae, ke kgopela e ka ba mang go mpotša nako ye nngwe gore ye nngwe ya tšona e kile ya šitwa. E ka se šitwe. Ke Modimo.

⁹ Kagona, ye e mpea ka go seemo se sebjalo go fihla ke—ke eya go nagana ka yona, gomme e no nkgeretlanya. Gomme ke a tseba se sengwe se ya go direga. Gomme ke—ke tla boifa...

¹⁰ Go no swana le se ke bego ke se bolela go yo mongwe letšatši le lengwe. Re lemoga gore ga re nyake go tsea Modimo le go e dira feela maleatlana bjale. Gomme ga re nyake go tsea dimpho tša Modimo le go dira maleatlana go tšwa go yona. Ge o re Morena o boletše se sengwe, eba le nnete Morena o go boditše; se be kgahlego. Le a bona? Go na le bontši kudu bja seo bjale, le a bona, gomme batho ga ba tsebe mokgwa wa go ba le boitshepo. Ge Modimo a bolela e ka ba eng, e swanetše go no ba tlwa ka tsela yeo. E swanetše go direga ka tsela yeo.

¹¹ Ke ka mokgwa wo re ka tshepago Beibele. Mathomong, e tshepišitše Mesia. Baprofeta bale ba Bahebere ba boletše ka Mesia, se A bego a tla se dira. Mesia yola o tlide feela tlwa ka tsela ye go bilego. Beibele, ka seatleng se tee, e re e tla direga ka nako ye itšego. E a dira, thwi go theoga.

¹² Bjale re na le boitshepo gore go tla ba le Tlhatlogo. Jesu o tla be a etla. Re thwi mo. Gobane, ga se ya tsoge ya šitwa e ka ba kae gape, gomme e ka se kgone go šitwa bjale. Bjoo ke boitshepo bja rena.

¹³ Go swana le ge, Jeremia, Morena a mmuditše, o beile joko yela molaleng wa gagwe. Ga go kgathale ke moprofeta ofe goba ke eng gape e boletšego seo, eng kapa eng kgahlanong le mengwaga ye masomešupa tlase ka Babilonia, go be go swanetše go ba ka tsela yeo. Go le bjalo, Hananya a tsoga, moprofeta, le morwa wa moprofeta. Gomme o tšere joko yela go tšwa molaleng wa Jeremia, gomme a e roba, gomme a re, "O RIALO MORENA, ka mengwaga ye mebedi ba tla be ba boile."

¹⁴ O rile, ebile le moprofeta Jeremia o rile, "Amene, Hananya, Morena a diragatše mantšu a gago. Eupša a re elelweng, go bile baprofeta pele ga rena. Gomme ge... Moprofeta o tsebja feela ge seprofeto sa gagwe se etla go phethega."

¹⁵ Ke nagana yeo ke thuto ye botse ya Pentecostal. Le a bona? Re ka kgahlega, ra thanthelwa, gomme re ka kgona go ba le thabo le ditshhegofatšo tša Morena. Eupša ge re bolela Leineng la Morena, gomme ge se re se bolelago se se tlwa le Lentšu lela, eyang kgole go tloga go sona. Ga ke kgathale se lebega botse bjang.

¹⁶ Ka gore, *Le* ke kutollo ye e feletšego ya Jesu Kriste. Dulang le Lentšu lela. Le se *Le* tlogele, bakeng sa lefela. Le a bona?

¹⁷ Bjale, le a bona, ge Hananya a ka be a ile a no nagana, kutollo yeo. Gomme ga ke dumele monna e be e le moikaketši. O be a šušumeditšwe. Eupša ga se e bapele le Lentšu. E swanetše go ba Lentšu.

¹⁸ Gomme nako ye nngwe e diregile gape, yeo ge Josafate a ttile tlase go etela Ahaba. Gomme ba bile le khansele, gomme ba eya godimo Ramothe Gileada. Gomme Josafate o rile, “Gabotse, nnete, dikoloi tša ka di bjalo ka tša gago, batho ba ka ba bjalo ka ba gago.” O rile, “Eupša a ga ra swanela go botšiša Morena?”

Ahaba o rile, “Ka kgonthre re swanetše go dira seo.”

¹⁹ Kafao ba bile le baprofeta ba makgolonne ba Bahebere; e sego baprofeta ba Baali, e sego bahetene, eupša baprofeta ba Bahebere. Tsedekia o ttile godimo ka dinaka tše pedi tše kgolo, gomme a re, “O RIALO MORENA. Ka se o ya go kgoromeletša Siria thwi ka ntle ga naga.” Motheong, o be a nepile, eupša go na le bontši bo yago le yona ntle le seo.

²⁰ O ka tsoge wa ba nnete kudu ka motheo, efela ditshepišo tša Modimo di theilwe godimo ga lebaka.

²¹ Ba be ba boloka dihlabelo tša bona feela ka tlhomphokgolo ka mo ba kgonnego, ba dira se Morena a ba boditšego, efela ntle le tlhokofalo yela ka morago ga yona. Meneelo, e ba motlwae wa lapa.

²² Fao ke mo re tšeago Pentecost: motlwae wa lapa. O swanetše go hlokofala kudu go feta fao. O letela Modimo go araba ditshhegofatšo tše le ditshepišo, o tla morago go tlhokofalo ya Lentšu lela. Se Lentšu le se bolelago, dula le Lona.

²³ Bjale, moprofeta yo motheong o be a nepile. Ge Modimo a arogantše naga, yeo Joshua a e filego Israele. Gomme fa go be go le manaba, ba tlatša dimpa tša bona ka korong yeo e bjetšwego godimo ka Ramothe. Gomme motheong gabotse, eupša, le a bona, e be e le godimo ga mabaka. Gomme bona baprofeta, goba badiredi, ba profeta, ba be ba nepile tlwa. Morago ba rile . . .

²⁴ Go monna yo wa Modimo, Josafate, go bonagetše eke go na le se sengwe kgahlanong gannyane. O rile, “A ga go yo mongwe gape?” Yo mongwe gape, morago ga go ba le makgolonne? Gobaneng, go bonagetše go nyefola. Eupša, efela, tlasetlase botebong ka pelong ya monna yola o tsebile go ne se sengwe sa phošo.

²⁵ Motho e ka ba mang wa Modimo a ka kgona go bona go ne se sengwe sa phošo. Ditšhegofatšo tša rena di lokile, eupša ga e tle godimo go maraka.

²⁶ Kafao o bone go be go le se sengwe sa phošo. O rile, “A ga go yo mongwe gape?”

²⁷ O rile, “Ee, go na le yo mongwe gape. Mika, morwa wa Jimila. Eupša,” o rile, “ke mo hloile.” O rile, “O re kgeila kgafetšakgafetša le go re sola.”

O rile, “A nke kgoši a se bolele bjalo. Eupša a re mo kweng.”

²⁸ Gomme kafao ba mo rometše go tla. Gomme ba rile, “Bjale, o ragetšwe ka ntle ga mokgatlo, botelele go lekanelo. Bjale, o ka kgona go ya godimo mo le go bolela se sengwe ka tsela ya go swana ba dirago, gomme go tla loka.”

²⁹ O rile, “Bjalo ka ge Morena Modimo a phela, ke tla bolela feela se A se beago pelong ya ka,” ke se a ba boditšego. Re hloka Jimila gape... Re hloka Mika, a ke re.

³⁰ Gomme ka gona o, bošegong bjoo, o kgopetše go letela Morena. Gomme ge a bone pono ya Morena, nako yeo o hlodišišitše yeo ka Lentšu. Gomme ge a e hlodišišitše ka Lentšu, Lentšu le pono di be di swana. Morago o eme pele ga bona le go ba botša se se tla diregago.

³¹ Gomme, ka nnete, le a tseba Tsedekia o mo phasotše molomong, gomme a re, “Ke tsela efe Lentšu le dirilego, Morena a ilego ge A ntlogetše? Moya wa Morena, ge A ntlogetše?”

O rile, “O tla bona.”

³² Ahaba o rile, “Beang moisa yo ka kgolegong ya ka garegare. Mo feng borotho bja mahloko.” Gomme o rile, “Gona ge ke bowa, ke tla šogana le yena.”

O rile, “Ge o ka bowa le neng, Morena ga se a bolela le nna.”

³³ Le a bona, e swanetše go ba le Lentšu, gomme re swanetše go elelwa seo. Ga lego, ga—ga se ka tla go bolela seo.

A re rape leng. A re inamišeng dihlogo tša rena, yo mongwe le yo mongwe.

³⁴ Tate wa rena wa Legodimong, re tla mosong wo Leineng la Morena Jesu. Gomme mo O mphile mosong wo, Morena, sehlopha se sekao ne se sa batho, gore nka bolela mantšu a se makae go borakgwebo ba go tšwa gohlegohle setšhabeng. Morena, ke a rapela gore O tla fa mosong wo gore go tla ba se sengwe se boletšwego seo e ka se nogo go ba yo mongwe a emego fa go tšeа nako ye nngwe goba go tloša bodutu, eupša Lentšu la Morena le ka no, ka tsela ye nngwe ya go se tsebje, ebile le go rena, la tlišwa pele, leo le tla dirago se sengwe go thuša batho, iring ye kgolo ye. Fodiša balwetši, batlaišwa.

³⁵ Modimo, re a rapela gore O tla hudua dipelo tša borakgwebo ba. Šegofatša badiredi, badumedi ba Gago ba magato ohle a

go fapano, le dikarolo, le dimpho, le diofisi moo O ba beilego. Gomme a nke re ye mosong wo ka mo—mo mokgwatebelelo wa go swana wa bale ba bego ba etšwa Emause, re re, “A dipelo tša rena ga se tša swa ka gare ga ren?” A nke Moya wo Mokgethwa o tle bjale le go bolela le dipelo tša rena metsotso e se mekae ya go latela, ka Lentšu. E fe, Morena. Re e kgopela Leineng la Jesu. Amene.

³⁶ Bjale go lena ba le no ratago go tšea dinoutse di se kae, ke ngwadile fase mo, mohuta wa go nkeletša. Ke be ke ikemišeditše go ya felotsoko lehono, eupša ka mehla ke Lentšu la Morena, goba dibakabotse go Mmolelala, go tla pele. Ga re tsebe ke nako efe re yago go tlogela lefase le, gomme re nyaka go bea ka gare tshetlana ye nngwe le ye nngwe ya nako yeo re tsebago bjang.

³⁷ Ke nyaka go bala mosong wo go tšwa go Ebangedi ya Mokgethwa Mateo, tema ya 19, go thoma ka temana ya 16, bakeng sa feela sehlogo se sennyane, go goga go tšwa fa, ge Moya wo Mokgethwa o ka rata, kgwekgwe.

*Gomme, bonang, yo motee o tlie gomme a re go yena,
Mong yo Botse, ke selo sefe se sebotse ke tla se dirago,
gore ke rue bophelo bjo bosafelego, goba ke be le bophelo
bjo bosafelego.*

³⁸ Ke nyaka go ema feela nakwana.

*...ke selo sefe se sebotse nka kgonago go se dira, gore
ke be le bophelo bjo bosafelego?*

*Gomme o rile go yena, Gobaneng o mpitsa yo botse?
ga go yo botse eupša yo motee, yoo ke, Modimo: eupša
ge o nyaka go tsena ka bophelong, boloka melao.*

*O rile go yena, Efe? Jesu o rile, O se ke wa bolaya, O se
ke wa dira bootswa, O se ke wa utswa, O se ke wa bea
bohlatse bja maaka,*

*Hlompha tatago le mmago: ... O tla rata moagišani wa
gago bjalo ka wenamong.*

*Lesogana le rile go yena, Dilo tšohle tše ke di bolokile
go tloga bosweng bja ka ... ke hlaetša eng gabjale?*

*Jesu o rile go yena, Ge o tla phethagala, eya gomme o
rekiše tše o nago natšo, gomme o fe bahloki, gomme o tla
ba le mahumo legodimong: gomme o tle ... ntatele.*

*Eupša ge lesogana le kwele polelo yela, o tlogile a
nyamile: gobane o be a ne dithoto tše kgolo.*

*Ka gona Jesu o rile go ba barutiwa, Ruri Ke a le botša,
Gore monna wa mohumi go thata go tsena ka mmušong
wa legodimo.*

*...gape Ke re go lena, Go bonolonolo go kamela go
ya go kgabola lešoba la nalete, go feta go monna wa
mohumi go tsena ... mmušo wa Modimo.*

*Gomme ge barutiwa ba gagwe ba e kwele, ba ile
ba makala go fetiša, ba re, gona ke Mang a kago go
phološwa?*

*...Jesu—Jesu o ba lebeletše, gomme o rile go bona, Le
batho se ga se kgonagale; eupša le Modimo dilo tšohle
di a kgonega.*

³⁹ Bjale ke rata go goga, go tšwa go selo se sennyane se mo, kgwekgwe, ge e ka dira, le tla ntumelela, feela metsotso e se mekae. Bjale, re ka eleletša tiragalo.

⁴⁰ Gomme ka gore tše ke difihlolo tša Banna ba Kgwebo, Mokibelo mosong ke difihlolo tša mehleng, ke a dumela. Ke bile le monyetla wa go bolela Mokibelo wa go feta mosong.

⁴¹ Yeo, ke leboga taletšo ye go tšwa go baena ba bakaone ba ba ntumelelago go tla, ka go go se rutege ga ka, gomme pele ga batho ba ditswererere le go rutega, le go leka go tliša pele Molaetša wo woo ke—ke ikwelago gore dipelo tša rena di a o hloka. Gomme ke—ke leboga seo, ge mabati a mantši a tswalela ka lebelo ka morago. Kafao ke—ke leboga banna ba, gomme ka kgonthe ke a rapela gore Modimo a ba šegofatše.

⁴² Mokibelo wa go feta mosong, ke lekile go tliša Molaetša woo o tla bago se ke nagannego se be se hlokega. Ke boletsé ka Usia, ka fao a bego a le monna yo mogolo, mohlala pele ga Jesaya. Eupša ge a ipthagamišitše, nako yeo o lekile go tšeа lefelo la—la moprista, modiredi. Gomme, go direng bjalo, Modimo o mo iteile ka lephera. Gomme e be e le thuto ye kgolo go Jesaya, go se tsebe go tshepela go (eng) e ka ba eng eupša Modimo. Ka gona o be a le ka tempeleng, gomme a bona le—le lefelo.

⁴³ Ke kgopetše baena ba ka. Le se leke go tšeа lefelo la selo eupša rakgwebo, eng kapa eng Modimo a le bileditšego go e dira. Le se leke go ba bareri, gobane re ne nako ye thata go lekanelo, go Le boloka go otloga, go le bjalo. Gomme le Le dira le hlakahlakane. Kafao a re nong go ba se Modimo a re biletšago go ba sona. Gomme ke a nagana, go maloko, ke selo se sebotse go rena go leka go dula.

⁴⁴ O se ke wa leka go ekiša yo mongwe gape. Le a bona? E no ba se o lego sona. Bohle re rata go ba Billy Graham, Oral Roberts. Bohle re rata go ba seo. Eupša, elelwang, ka Mmušong wa Modimo le ekonomi ya Gagwe ye kgolo, ge re ka ba legogwa la mojako, ge leo e le lefelo la rena, re tla no ba bontši bjo ba lego. Le a bona? Eupša o swanetše go boloka maemo a gago fao Kriste a go beilego.

Ke tla rata go bolela mosong wo bjale ka: *Dipeeletšo*.

⁴⁵ Bjale, bontšintši rakgwebo yo mongwe le yo mongwe yo mokaone o na le kgahlego ka go dipeeletšo tše botse. Ke kgethile ye gobane e be e le borakgwebo, ba ba tla bago le kgahlego ka go dipeeletšo. Gomme bontšintši batho bohle boka bao, dipeeletšo,

gomme gagolo e swanetše go ba go ikgetha go seholpha sa borakgwebo. Gomme ka mehla re leka go hwetša felotsoko go dira dipeeletšo di se kae, go dira ditolara di se kae, goba, gomme seo se lokile. Ga ke ne selo go bolela kgahlanong le seo. Seo se lokile ka go phethagala.

⁴⁶ Eupša ke bolela le lena ka yona peeletšo ye kaonekaone ye ke e tsebago, go dira peeletšo; lefelo le lekaonekaone kudu, a ke re, go dira peeletšo.

⁴⁷ Kgwebo ye botse, goba rakgwebo yo mokaone, o tseba bokaonana go feta go kempola. O se ke wa kempola; o ya go loba. O ka se kgone go thopa, go kempola. O mohloki nako ye nngwe, monna wa mohumi ya go latela, morago mohloki gape. Go kempola ke bolwetši. E no ba moyo wo mobe. Gomme o tsena godimo ga batho, nako ye nngwe, ka sebopego sa magareng. O ka kgona go kempola ka bodumeding. O ka no se e tsebe, eupša o ka kgona.

⁴⁸ Go no swana le ge setšhaba se ka ema go bona . . . Le dumelela monna wa letagwa go tšwela ntle mo mokgotheng ka—ka—ka sefatanganaga sa gagwe. Monna yola o swanetše go ba le bonnyane mengwaga ye lesome ka kgolegong. Le lesa monna go ya go theoga mokgotha, mosong wo, ka—ka sethunya ka seatleng sa gagwe, a thunya go dikologa ka mokgwa woo, ba be ba tla lahlela dinotlelo kgole go mothaka yola. Ba be ba tla mo romela kgolegong ya ka garegare. Gomme ka gona monna wa letagwa a ka kgona go tla go theoga mokgotha, ka go felela o no ba kotsi kudu ya go bolaya yo mongwe go no swana le monna ka sethunya, gomme o hwetsa ditolara tse tlhano bakeng sa yona, goba se sengwe. Le a bona? Le a bona? Yena, yena o . . . E nyakile go ba polao ya maikemišetšo. Eupša, le a bona, setšhaba ga se e lebelele ka tsela yeo.

⁴⁹ Gomme le batho ga ba dire, nako ye nngwe, ge ba kempola, tše nnyane, dibopego tša magareng, tša go re, “Oo, gabotse, ke—ke no ba gabotse bjalo ka bohle ba bona.” Yeo ke go kempola. O se ke wa dira seo. Yeo ke kgwebo ya go šokiša.

⁵⁰ Rakgwebo e ka ba mang yo mokaone ga se a swanela go tšeа tšhelete ya gagwe gomme a kempola. Gomme—gomme ba bangwe . . . Badumedi ga ba swanela go tsoge ba kempola. “Oo, gabotse, ye e lokile. Ke tla leka mahlatse go yona.” O se ke wa dira.

⁵¹ Go na le phethene e beilwe fase, selo sa kgonthe, gomme Lona ga se la seholpha se se itšego sa batho. Ke Lentšu la Modimo. O se ke wa kempola godimo ga Leo. Bjale, o se ke wa leka mahlatse.

⁵² Gomme selo se sengwe ke se hlokamelago magareng ga batho, nako ye nngwe, gagolo. Monna o swara tšhelete ye nnyane, gomme ka gona o tla leka go e beeletša ka go mohuta tsoko wa go huma ka bošego, kgwebo tsoko ya go se tsebalege. O tla lahlegelwa ke hempe go tloga mokokotlong wa gago, gomme

o tseba seo. Le a bona? O se leke seo. Gomme yo mokaone, rakgwebo wa tlhaologanyo wa go nagana a ka se dire seo. Ke yo mongwe yo a lego yo motala mošomong o tla leka mahlatse ka mokgwa woo. Ga e tsoge ya lefa.

⁵³ Oo, ke ditaba tše kae ke di bonego mo nakong ya ka, moo batho ba bilego le poloko ya bona ya bophelo, gomme ba hwetša sedirišwa se sennyane ntle, go huma ka bošego, ka pela ka kgontha, le sohle ka mokgwa *wo*. Gomme ba e hweditše. Ka gona, selo sa pele le a tseba, ba ikhwetša bonabeng godimo ka—ka go mothalo wa go thelala, felotsoko, ba leka go kgotsofatša ya bona... goba go nweletša dikgopololo tša bona tša se ba se dirilego.

⁵⁴ Gomme seo se ka kgona go šomišwa gape ka dikgaong tša Bokriste. Huma ka bošego tsoko, šišinya diatla le moreri, gomme bea leina la gago godimo ga puku, gomme go fedile. O se tsoge wa dumela dilo tše bjalo ka tše. Ga e šome. E swanetše go tla ka tsela e tee.

⁵⁵ Go huma ka bošego tše, ga di dire. Rakgwebo yo mokaone a ka se e tlankela. Ge o na le e ka ba efe, eng kapa eng o nyakago go beeletša ka gare, hwetša kgwebo ye e tsebagaditšwego, se sengwe seo se netefaditšwego. E—e boloka... E boloka tshepišo ya yona. E a lefa.

⁵⁶ Gomme selo se sengwe sese. O se boloke tšelete ya gago ka potleng ya gago. O ka se tsoge wa hwetša e ka ba eng. Yo mongwe o tla e utswa go wena, morago ga lebakana. Ya. Le a bona? Ga o nyake go dira seo. Jesu o rutile selo sa go swana. Ge o na le talente, o se ke—o se ke wa e uta. O swanetše go e šomiša, e gola.

⁵⁷ Bjale, nka no be ke bolela le Presbyterian, Methodist, Baptist, ka go difihlolo tše, le e ka ba eng gape. Ga o tsoge wa tseba ke mang a dutšego pele ga gago. Le a bona?

⁵⁸ Kafao, elelwang, ge o na le dipeeletšo tsoko, se sengwe go se beeletša, se beeletše ka go se sengwe seo se lokilego, se sengwe seo e lego sa kgontha, se sengwe seo se netefaditšwego gore se tla lefa, ye nngwe ye botse, ya go tshepega, feme ye e tsebagaditšwego ye e netefaditšwego go lefa, mo go fetilego. E na le leina ka morago ga yona. Lena banna le tseba seo.

⁵⁹ Le ge o swanetše go e tše ka go nokologa, go tla godimo, mašokotšo a gago—a gago ke—ke a mannyane kudu. Efela, bokaone ke tsebe, tšelete ya ka yohle, ke be ke goga phesente tše pedi, gomme ke ne kgontha go e hwetša, go feta go goga diphesente tše masometlhano gomme ka se tsoge ka e hwetša; ke tshepišišwe diphesente tše masometlhano. Le a bona, o nyaka go—o nyaka go dula le feme goba kg—kg kgwebo ye e nago le bokamorago, e na le leina ka morago ga yona, se sengwe seo se yago go lefa, le se sengwe seo se lokilego.

⁶⁰ Bjale, moisa yo moswa yo re bolelago ka yena, rakgwebo yo moswa yo, gobaneng, o ile—o ile a fiwa sebakabotse go dira

peeletšo ka go ye nngwe ya dikgwebo tše kgolokgolo a bego a ka kgona go beeletša ka go yona. O filwe sebakabotse go latela Jesu Kriste. Gomme a se—se selo sa go se tsebalege a se dirilego. A selo sa phošo, gore, moisa yo moswa yo, o filwe mohuta wo wa sebakabotse, go beeletša soulo ya gagwe—ya gagwe le tšelete ya gagwe, le e ka ba eng a bilego le yona, ka Mmušong wa Modimo, gomme o se ganne, thwi. Re a mo lebelela mosong wo, bjalo ka rakgwebo yo moswa yo, bjalo ka—bjalo ka rakgwebo wa go šokiša kudu. Eupša o be o ka se kgone go mmotša seo. Jesu o be a ka se kgone go mmotša bokaonana e ka ba bofe.

⁶¹ Le a bona, Lentšu la Modimo, ge Jesu a bolela, Ke—Ke Therešo yohle. Ga ya swanela go hlalošwa. Modimo o no bolela Therešo, gomme ga A swanela go ya go dikologa boka re dira, go leka go E hlaloša. Yona, Ke Yona. Seo ke sohle se lego go yona. O rile, “Latela Nna.” Yeo ke phetho. O be a se a swanela go mmotša gobaneng, go E hlaloša yohle boka ke dira, le batho ba bangwe ba dira. Eupša Mantšu a Gagwe ohle ke Therešo. Ga ra swanela go ya go dikologa ka Yona. O nno E bolela. O rile, “Latela Nna,” gomme seo se a e rumu.

⁶² O bile le taletšo go dira peeletšo ka go Jesu Kriste. Gomme yoo ke Motho yo ke bolelago ka yena mosong wo, peeletšo ye ke nyakago o e dira, ge o se wa e dira.

⁶³ Eupša moisa yo moswa wa mohumi, motšwamahlalagading wa letšatši la gagwe, ka kgonagalo o bile mojabohwa, tšelete ye ntši. Gomme—gomme, e lego, seo se lokile. Ga go selo kgahlanong le seo. Gomme ke tla—ke tla leboga monna e ka ba mang goba e ka ba mang yo a filwego monyetla woo. Eupša ge . . . Se ke nago le sona kgahlanong le moisa ke se: go beng rakgwebo . . .

⁶⁴ Gomme a le hlokometše, o botšišitše Bophelo bjo Bosafelego? Yeo e bile tšišinyo ya gagwe ya kgwebo, “Ke swanetše go dira eng bjale go ba le Bophelo bjo Bosafelego?” Gomme Jesu o mmoditše tlwa se a ka se dirago. Eupša o be a se na kgahlego, ka baka la selo se a bego a swanetše go se dira, go—go ba le Bophelo bjo Bosafelego.

⁶⁵ Gomme bjale re lebelela go seo, rena batho ba Pentecostal, le go nagana gore monna yola o be a tšwele monaganong wa gagwe, e sego go dira selo. Eupša a re—a re e tšeeleng tlase gae lebaka la metsotso e se mekae. Le a bona, go bile le se sengwe se ilego le yona.

⁶⁶ O botšišitše ka melao. O rile, “Se ke se dirile ge e sa le go tloga bosweng bja ka.”

⁶⁷ Go molaleng o godišeditšwe ka go—ka go le lebotse, legae la orthodox, moo ba godišeditšwego, e sego go utswa, goba go aketša, goba go radia, goba go dira bootswa. Mohlomongwe mošemane o be a se moradia. Mošemane o be a se moaketši. O godišitšwe ke batswadi ba go loka, yo mongwe yo a mo rutilego gore go be go le Modimo, le gore Modimo o be a tla

mo tliša Kahlolong letšatši le lengwe, gomme o be a tla swanelo go fa lebaka bakeng sa tšohle a di dirilego. Gomme thuto yela ya motswadi wa gagwe—wa gagwe mohlomongwe e be e mo kgomaretše, gomme o tsebile gore go be go le mo—mo Modimo.

⁶⁸ Eupša bjale go tla nako moo a swanetše go—go kopana le Modimo yo ka sebele. O swanetše go kopana le Motho yo. Gomme o kgopetše se . . . O botšisitše se a bego a swanetše go se dira, le go ba le Bophelo bjo Bosafelego bjo, gomme Jesu o mmoditše a dire eng. Eupša o be a se ne kgahlego ka go mohuta woo wa peeletšo, gobane e tšere dilo tše a bego a di swere go ratega kudu.

⁶⁹ Gabotse, o re, “Monna yola o bile le tšelete, gomme e tšerwe go tšwa go yena gobane tšelete, a ke re. Jesu o be a e tšea gobane e be e le dithoto tša gagwe tša lefaseng.”

⁷⁰ Eupša ga e re tšelete ka go felela. Go no ba dilo tše ntši tše re di swerego go rena, feela bontši bjalo ka modingwana, bjalo ka ge lesogana lela le swareletše go tšelete yela; botsebalegi, phapano ya kerekleina, difešene, kganyogo ya lefase, medingwana, se sengwe le se sengwe. Go na le dilo tše dintši kudu tše—tše banna, lehono, sebakeng sa go huma, ba swareletše go dilo, bona ba tšelete, ba—ba swarelala go dilo tša go fapano ka mokgwa woo, feela go tiiša bjalo ka lesogana lela, gobane ga ba ne kgahlego ka go peeletšo yeo Kriste a ba neelago.

⁷¹ Go ka no ra gore Kriste o tla go biletša ka ntle ga sehlopha se o lego ka go sona. Kriste a ka no go biletša ntle go tšwa go phathi ya karata ye o nago nayo ka kerekeng ya gago, papadi ya panko, sosaete ye o lego wa yona. Ge o swarelala go seo, o—o no dira phošo kudu bjalo ka ge lesogana le la mohumi le dirile. Le a bona? O swareletše go se sengwe bontši bja lefa go feta go beeletša leeto la bophelo bja gago ka go Jesu Kriste.

⁷² Bjale, se se ka no se be le bokamorago bja go goelela go sona, eupša se na le bokamorago bja Ebangedi go sona, bja Lentšu. Le a bona? Ke selo seo . . . Bana ba a sega, le go bina, le go hlalala, le go ya pele. Eupša o swanetše go tseba se o dirago se ka sona; ge o sa dire, seo se ba bodumedi bja medimo ya diswantšho go wena, le a bona, e no ba modingwana. Gomme ge re lebelela, gomme ra hlokomela go—go maemo ao re tatologelago ka go wona! E tla ka go tsatsela kudu.

⁷³ Go no swana le monna, mohlare, o eme godimo ga—ga tselalephefo. Gomme morara wo monnyane o a tsoga, morara wa lešoka, gomme o thoma go tatetša go dikologa mohlare wola. Mohlare o nyaka go gola go otlologa, eupša morara wola mafelelong o swara mohlare wola ka tsela ye bjalo go fihla o gapeletšega go sepela ka tsela ye nngwe. Kafao re tsena ka go mafelo a mohuta woo, moo re dumelelago dilo tše dingwe go ngwegela ka gare go rena, le go re tatetša go tšwa go tlhokofalo yela ya kgonthe ka go Lentšu.

⁷⁴ Bjale, Israele e be e hlokofetše kudu ka se ba bego ba se dira, mo mathomong. Oo, ke kgona go eleletša Mojuda a etla go theoga tsela, ka sehlabelo sa gagwe sa go thelela, se sekaonekaone se a bilego naso ka mohlapeng wa gagwe, a eya tlase go se—se sehlabelo. A bea seatla sa gagwe godimo ga phoofolo. Gomme a itsebagatša yenamong le phoofolo, ka go bea seatla sa gagwe godimo ga phoofolo ye, gomme ka gona madi a tshollwa. Gomme Mojuda yola o ya morago gae, a nno thaba ka mo a bego a kgona go ba, gobane o tsebile o be a dirile taelo ya Jehofa. Seo se bile gabotse nako ye telele.

⁷⁵ Ka gona, ka morago ga lebakana, selo sela sa go swana se bile motlwae wa lapa. Go be go le mohuta wa go swana wa phoofolo, eupša yo mongwe mohlomongwe o be a tla re, “O a tseba, wo ke ngwedi wo moswa.” Mohlomongwe, mohlomongwe, “Ee, ke swanetše go neela sehlabelo.” Ge, O theogile ka tsela ye motho wa mathomo a dirilego, eupša ga—ga se a be le tlhokofalo yeo go yona.

⁷⁶ Gomme ge a dirile, Jehofa o rile, “Selo se fetogile monkgo nkong ya Ka.”

⁷⁷ Gomme O tsošitše monna yo mogolo lefelongtiragalo, Jesaya moprofeta, yo a goeeditšego, o rile, “Dihlabelo tša lena, mekete ya lena ya go hlomphega, di a nkga pele ga Ka.”

⁷⁸ Hlokamelang, Pentecost. Dihlabelo tša lena le go hlalala di tla ba monkgo ka dinkong tša Jehofa, ge e se ya tsenwa ka botebo bja tlhokofalo. Rena, re swanetše go tla re hlokofetše kudu, e sego go no sega, le go hlalala, le go kgobokana tikologong. Re swanetše go tla ka go teba le ka tlhokofalo go Lentšu la tshepišo. Fale, re tsee go swara aletara, re dule fale go fihlala se sengwe se direga, go fihla re ehwa ka go tsenelela, go fihla re dira pe—pe peeletšo ka Mmušong wa Modimo le Jesu Kriste. Ka gona re godimo . . . Ga go kgathale motheong bjang. Re ka kgona go ba motheong, efela o swanetše go tla ka tlase ga tlhokofalo.

⁷⁹ Bjale, Mojuda yo moswa o be a no hlokofala ka mo a bego a kgona go ba, ka go se a bego a se dira. Eupša ge na—na nako e etla go fetola thutotumelo ya gagwe, nako yeo ke moo bothata bo tlago.

⁸⁰ Ke a makala ge eba Modimo wa go swana ga a no kgona lehono go re tsošetša Jesaya, go re tsošetša yo mongwe yo a ka kgonago go re botša gore menyanya ya rena ya go hlomphega e ba monkgo. Re swanetše go ba komana bakeng sa Tlhatalogo, mo nakong ye ya lebaka. Lebelelang moo re lego. Go na le se sengwe se hlakwago, gomme, seo ke, morago go Lentšu. Re tshepišitšwe godimo ka go Maleaki gore re tla tlišwa morago go Lentšu, Tumelo ya setlogo, gomme kafao a re elelweng seo bjale.

⁸¹ Eupša po—po poreisi yeo moisa yo moswa yo a kgopetšwego go e lefa e be e le ye kgolo kudu. O ile a swanela go rekiša dithoto tšohle tša gagwe tša lefase, gore a be le Bophelo bjo Bosafelego.

⁸² O ka no se be le taeme, eupša go le bjalo o swara dilo, tšeо, ke lefa la lefase.

⁸³ Mohlala, ke be ke kgakgamolla basadi ba rena, kudu bjalo, ka go kota moriri wa bona le go apara diroko tša thobalano le dilo. O ka kgona bjang go bina ka Moya gomme wa ipitša wenamong Pentecost, le go phela ka moyo wo mobjalo ka woo godimo ga gago? Lena banna le ka kgona bjang go ipitša babuši ba legae la lena, gomme la dumelela se sebjalo? Ke nyaka le tšee setoko. Le a tseba ke Therešo. Gomme ke lena bao. Le a bona? Le kgopelwa go dira sehlabelo.

⁸⁴ O re, "Ema motsotsso, Ngwanešu Branham. Ke nna modudi wa Amerika. Ke nna Mopentecostal. Ke—ke nna wa Assemblies, goba di—di dihlopha tše dingwe, goba e ka ba eng e lego. Ke ne tokelo ya Amerika bakeng sa se. Gomme go beng Mokriste, ke ne tokelo, gobane ke amogela Sehlabelo." Seo ke se e lego bothata ka Amerika. Fao ke mo a phetlegilego, lehono.

Setšaba se sengwe le se sengwe se nyaka mesia.

⁸⁵ Gomme ge Modimo a rometše Israele Mesia, bohole ba be ba rapela bakeng sa Mesia. Ka matšatšing a go tla ga Mesia, Israele e nyakile mogeneral yo a bego a tla tla gomme a kgoromeletša Roma thwi ka ntle ga naga.

⁸⁶ Ka nako ya go swana, Roma e nyakile mesia yoo a bego a tla tla gomme—gomme a ba dira mmušo wo moswa wo mogolo wa sešole woo o bego o tla—o tla tšeа Egepeta le ditšhaba tšohle ka moka, le go di kgoromeletša ntle.

⁸⁷ Yo mongwe le yo mongwe o nyakile mesia. Gomme lehono re e hwetša selo sa go swana. Yuropa . . .

⁸⁸ Gabotse, mohlala, Russia, ba nyaka mesia yo a ka kgonago go ba iša ngwedding pele e ka ba mang gape a fihla kua.

⁸⁹ India e nyaka mesia, gomme ba nyaka yena yo a tla ba fepago ntle le go e šomela.

⁹⁰ Amerika e nyaka . . . Ba nyaka sehlalefiphetelela sa bohlale. Ba na le motšene wa go bouta wa boradia, go ba fa yo motee. Modimo ka mehla o go dumelela go ba le dithhologelo tša pelo ya gago. Bjale, o na le yona. O ya go dira eng ka yona?

⁹¹ Ge bohole ba bona ba be ba llela Mesia, Modimo o ba rometše yo Motee. Eupša, yo mongwe o nyakile mogeneral, yo mongwe o nyakile motšene wa go rutega, le bohole go ya pele, eupša Modimo o ba rometše Lesea. O ba rometše Mophološi. O tsebile ba hlokile Mophološi.

⁹² Go ka reng ge Russia e hweditše mesia wa yona lehono? Re be re tla dira eng? Le a bona? Modimo o tseba mokgwa wa go e fa.

⁹³ Go ka reng ge batho lehono . . . bao ba rapelago bakeng sa Mesia. Gomme re rapelela se sengwe se segolo go direga. Re

a dira. Rena Mapentecostal re rapelela se sengwe se segolo go direga. Ke a makala go tla direga eng ge ka kgonthe se diregile? Gomme mohlomongwe O araba thapelo ya gago gomme ga o e tsebe. Gomme o ka se E amogege ge A e arabile. È ka se tle ka mmala wo o o rapeletšego. Seo ke se ka mehla ba se dirilego. Gomme ge Se etla gape, Se tla tla ka mmala wa go swana. Se tla tla ka sephuthelwaneng sa go swana. Se no ya thwi ka godimo ga Sona!

⁹⁴ Ka fao, Modimo o mekamekana le motho ka motho. Ga se A ke a mekamekana le Israele ka moka letšatši lela. Ga A dire. O be a mekamekana le mošemane yo wa Mojuda. Le a bona? Ga e tle ka tsela ye re nyakago e etla.

⁹⁵ Bjale, Mojuda yo o be a bone se sengwe seo—seo se bego se fapanana. Seo ke se se gogilego pelo ya gagwe. Go be go le se sengwe seo a—a se bonego, seo se bego se le ka go Jesu, seo banna ba bangwe ba bego ba se naso. O tsebile moprista wa gagwe le borabi ba gagwe ga se ba be le selo seo Moisa yo moswa yo—yo a bilego le sona, a bitšwago Jesu, Yo batho ba mo dumetšego go ba moprefeta. O be a le Monna wa go fapanana.

⁹⁶ Ba bone rabi wa gagwe a emeleta, gomme Bafarisei ba ngangišana kgopoloo ya bona, gore, “Go be go le Morongwa le moyo.” Gomme Basadutsei ba tla go dikologa le go netefatša, “Ga go Morongwa le moyo.” Gomme ba bile le diphapano tša bona. Gomme moisa yo moswa yo, o swerwe gare magareng ga seo.

⁹⁷ Moo, kereke e tantšwego lehono, “A e tšeа dihlopha tša kerekeleina? A e tšeа sehlopha sa banna? A e tšeа sehlopha sa basadi?”

Go tšeа motho yo motee a neetšwego go Modimo, go Lentšu la Gagwe.

⁹⁸ Jesu Kriste o be a le Modimo, a dirilwe nama gore a hwe. Gore, Lentšu, Yena le Lentšu ba be ba swana. Lentšu le be le no elela ka Yena. Ga go pelaelo le gannyane.

⁹⁹ Modimo o leka go hwetša yo mongwe, ka maatla a tlhwekišo a Kriste, go ineela go Lentšu lela, gore Yena le Lentšu ba kgone go ba batee gape, gona A ka kgona go šomiša Lentšu la Gagwe ka motho yoo.

¹⁰⁰ Eupša, le a bona, moisa yo—yo moswa o bone se sengwe ka go Monna yo, seo se bego se fapanana le banna ba bangwe. O tsebile go be go fapanana.

¹⁰¹ Gobane, nako ye nngwe O ile a botšišwa. “Monna yo ga a bolele boka banna ba setlwaedi. Go na le se sengwe ka Moisa yo seo se fapanago. Ga se nke motho a bolela ka mokgwa wo.” Gobane, ge A boletše, Modimo o be a le gona go araba, se A se boletšego.

¹⁰² Bjalo ka ge ke boletše makga a mantši, beke ye, motho e sa le motho. Ba tumiša Modimo bakeng sa se A se dirilego, ba lebeletše

pele go se A se dirago, a yago go se dira. Bao ke rená. Eupša o hlokomologa se A se dirago. Ka mehla, motho o dira seo.

¹⁰³ Jesu o rile, “Le tteleima go ba ba—ba bana ba baprofeta. Gomme ke lena le ba beilego ka lebitleng. Gomme le kgabiša mabitla a bona.” Le a bona?

¹⁰⁴ Re—re nagana se Modimo a se dirilego ka Letšatši la Pentecost le go kgabola lebaka la pelepele. Gomme ka gona re re, “Modimo o ya go tla ka se sengwe se segolo,” Gomme selo sa pele le a tseba, se feta thwi (rena) hleng le sona, gomme re ka se tsoge ra se tseba. Histori ka mehla e a inetefatša yonamong gabotse, gomme e a ipoletša yonamong. Re a feta, re e dira e fete thwi kgauswi, gomme ga re e hlokomele.

¹⁰⁵ Bjale, lesogana le le bone se sengwe sa go fapaná. O bone gore go be go le phapano ka go Jesu yo. O be a se bjalo ka banna ba mehleng. O be a bone se Monna yola a bego a kgona go se dira, gore Modimo o be a na le Yena. O bone gore bophelo bja Gagwe, le ge bo be bo le kgahlanong le thuto ya kereke ya gagwe mong, eupša o bone, Monna yola, gore Modimo o be a na le Yena.

¹⁰⁶ Boka Petro a boletše, morago, ka Letšatši la Pentecost, o boletše. Goba, ke a dumela e be e le ka go Ditiro, tema ya 3. O rile, “Lena banna ba Israele! Jesu wa Nasaretha, Monna yo a netefaditšwego ke Modimo, ka mehlolo le maswao ao A a dirilego! Le a bona! Lena ka diatla tše mpe...” O be a phara moloko wola molato bakeng sa go Mo gana. “Lena ka diatla tše mpe le bapotše Mokgoma wa Bophelo.”

¹⁰⁷ Bjale, re a hwetša bjale gore re a tla, ka go lebaka la rená. Gomme morutiši e ka ba mang wa Beibele o a tseba gore lebaka la mafelelo, la Pentecost, ke Laodikia. *Laodikia* e ra “mosadi,” ka Segerike, nako yeo ge basadi ba thopa.

¹⁰⁸ Ga ke na le selo kgahlanong le basadi, ge feela ba dula ka lefelong la bona. Ge Modimo a ka be a file monna e ka ba eng ye kaonana, A ka be a mo file yona. “Eupša ge a tšwela ka ntle ga lefelo, ke meetse ka mading a gagwe.” Salomo o boletše bjalo. Ke yo bohlalehlale re kilego ra ba le yena.

¹⁰⁹ Eupša ke basadi ka dipolitiking. Ga se nke, mengwaga ye masomepedi tlhano ya go feta, Morena o mphile pono e bontšha gore basadi, ka go dumelwa go bouta, ba tla kgetha—kgetha Ricky yo re nago nae godimo mo bjale, Ahaba wa sebjalebajale a dutšego fale le Isebele a retolla molala wa gagwe? Gomme lena basadi le ipeakanya lenabeng ka morago ga tsela ya go swana, bjalo ka ge a le motlelara wa lefase.

¹¹⁰ Go na le bontši bja go swana le—le Israele, le a tseba. Ba tlide ka gare gomme ba tše naga, gomme ba rakela badudi ntle, gomme ba bea tshepedišo ya bona beng kua. Gomme—gomme yeo ke tsela ya go swana Amerika e dirilego, e raketše Maindia morago gomme ra bea tshepedišo ya rená. Israele e bile le monna yo mogolo magareng ga bona. Ba bile boka Salomo, le—le Dafida,

le bahlabani ba bagolo. Re bile le banna ba bagolo, Washington le Lincoln. Eupša mafelelong go tlide se sengwe teroneng seo, ka dipolitiki, di se tliištše ka kua. Gomme e be e se Ahaba. O be a le moisa yo mobotse wa go loka, yenamong. Eupša, mosadi yola ka morago ga gagwe!

¹¹¹ Le a tseba, Beibele e bolela selo sela sa go swana, mo letšatšing la mafelelo fa? Gomme lena, le rata tša lena tša sepolitiki, lena Mademocrat, le ratago boemo bja lena bja sepolitiki go feta ka mo le dirilego Beibele le Modimo wa lena, gomme le kgethile seo. Ga se nna Morepublican. Ke nna Mokriste. Ke fa bakeng sa selo se tee. Le bolela ka go rekiša ditokelotswalo, re e dirile. Nnete, le dirile. Gomme bjale le na le yona, le ya go dira eng ka yona? Le be ll swanetše go e dira, go phethagatša Lengwalo le, gomme batho ba bone seo.

¹¹² Bjale hlokome lang, bjale, kereke ya go huma ya Laodikia. Jesu o a utolla, ka go Kutollo 3, o fa lebaka le, lebaka le la Laodikia la Pentecostal, sebakabotse se se swanago se monna yo wa mohumi a se dirilego, yo motee yo a swanago. Gobane, Laodikia, “O kokotile lebating,” go bontšitše gore bophelo bja rena bja go kgatlofatšwa bo beile Kriste ka ntle. Ka gore, Kriste ke Lentšu, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo,” gomme Lentšu e sa le Modimo. Gomme Lentšu le beilwe ka ntle, bakeng sa tshepedišo ya mokgatlo wa rena.

¹¹³ Ke ka baka leo ke lego mo le Banna ba ba Kgwebo. Modimo ba thuše, gore ba ka se tsoge ba kgatlofatša. Eupša ga le kgole go tloga go yona. E no elelwang seo. Ke a le rata, gomme le mpha lefelo, gomme le e bile lefelo la bodiredi bja ka. Eupša ke e bonelapele e etla. Mongwalo wa seatla o lebotong. Bjale, le se ke la dira seo. Le tla tšea tlhakatlhakano ya go swana ka moka ga bona ba dirilego. Diabolo o be a leka go bolaya moetapele wa lena nako ye telele. Ge a ka kgona go mo fediša, se sengwe se tla direga. E no ba banna. Ba swanetše go ba le dikgopololo tša bona beng ka yona. Le beile kwano mo e sego kgale go fetile ka lephepheng la lena. Le be le se la swanela go be le dirile seo. Seo se le tsebagatša bjalo ka mokgatlo. Rena, re sehlopha sa baena, bao, ga go kgathale se motho a se dumelago, re a kopanelo, go leka go mo hwetša. A nke—a nke Seetša sa lena se phadime. O tla bona seetša.

¹¹⁴ Hudson Taylor o boletše, e sego kgale kudu, gore go be go le mošemane wa moromiwa a etla, o rile, ka India, o rile, “Mna. Taylor, ke sa tšwa go amogela Kriste.” O rile, “A nka ya bjale le go hwetša Bachelor ya ka ya Bokgabo, le—le go ya pele, le tlhahlo?”

¹¹⁵ O rile, “Aowa. Sepela, paka.” Kafao ke nagana yeo ke kgopololo ye botse. Le a bona? Re leka . . .

¹¹⁶ Le a bona, ge o dira, o itatetša wenamong thwi ka go se sengwe. O ya ntle mo le—le go hwetša lenaneo le lentši la thuto

ka gare, le ntšetša Modimo thwi ka ntle ga lona.

¹¹⁷ Ge o hwetša matsaka, Modimo ga a rate matsaka. Hollywood e tletše matsaka. Hollywood e a phadima; Ebangedi e a kganya. Go na le phapano ye ntši kudu gare ga go phadima le go kganya. Hollywood e phadima ka dietša le legoro, gomme Ebangedi e kganya ka boikokobetšo. Phapano kudu. Le a bona? Le a bona? Bjale, le swanetše go elelwa seo, baena ba ka le dikgaetšedi tša ka. Le se ke—le se ke la phadima. Kganyang!

¹¹⁸ Bjale, re a hwetša, moisa yo moswa yo, o filwe sebakabotse se go dira se. Gomme o—gomme o . . . O se ganne gobane go be go le poreisi ye ntši kudu go sona.

¹¹⁹ Gomme ke—ke nagana seo ke selo sa go swana lehono. Rena, ga re nyake go, ga re nyake go amogela bjale, ga re nyake go bolela gore ga re dire, eupša maphelo a rena a a e netefatša. Yeo e a e netefatša. Yeo ke nnete tlwa.

¹²⁰ Eupša la—la Laodikia e Mmeile ka ntle ga kereke ye A bego a kokota go yona, le a bona, a leka go tla morago ka gare. Gomme Laodikia e Mmeile ntle ka gobane ba—ba be ba humile. Ba be ba sa hloke selo. Ba be ba nno—nno huma ka mo ba bego ba kgona go ba. Gomme kafao ba rile, “Re humile. Ga re hloke selo.”

¹²¹ Gomme Modimo o rile, “O hlobotše, o a diila, o a šokiša, o foufetše, ga o e tsebe.” Bjoo ke bothata, ge ba sa e tsebe.

¹²² Ge monna a le ntle mo mokgotheng, ka seemong sela, a hlobotše le go foufala, gabotse, bontši mang kapa mang a bilego le pelo ya setho o be a tla ya go monna yola, a re, “Mohlomphegi, o hlobotše. O ntle fa. O, o apotšwe. Gomme etla pele ka gare.”

¹²³ Eupša ge monna a retologile go dikologa, a re, “Bjale, hlokomela ditaba tša gago mong.” Le a bona? Bjale, o ya go direla moisa yola eng?

¹²⁴ Gomme fa, ge kereke e nagana gore e—e apere bjalo, ka go ya yona . . . ke yona, ka go toko ya yona mong, go fihla o—o nagana . . . Gomme o ya go ba tlišetša Lentšu. O re, “Seo se kgahlanong le thutotumelo ya rena.” Eng? O rekišitše, gona, ditokelotswalo tša gago. Ge, sebakeng sa go ba matsaka, re swanetše go be re kganya.

¹²⁵ Sebakeng sa go ba le makgolo a mahlano goba a tshela, e ka ba eng e lego fa mo difihlolong . . . Seo se lokile. Ga ke na le selo kgahlanong le yona. Ke—ke no ba mo Leineng la Morena Jesu. Sebakeng sa seo, go swanetše go ba go kganya magareng ga rena, ga Moya wo Mokgethwa. Mohlomongwe go no ba tasene, e kganya ka bobotse bja Morena, Morena Jesu o tla ba godimo ga rena go fihla go kganya ga Morena go tla ba ka go rena.

¹²⁶ Eupša re nyaka go phadima, maloko a mantši. Le a bona? Kereke ka mehla e badile boleloko. Modimo o bala semelo, e sego boleloko.

¹²⁷ Bjalo ka ge ke boletše beke ye, Eliasara o ile a tšwa mphufutšo, a leka go hwetša semelo. Gomme ge a hweditše Rebeka, nako yeo o bile le nako ye mpe go mo dira a eme se go fihla a kgona go mo dira a apare.

¹²⁸ Seo ke selo sa go swana se lego ka kereke. Re hwetša semelo ka kerekeng ya Pentecostal. Eupša, go mo dira a apare, gomme o ya go bolela se sengwe ka yona, nako yeo yo mongwe le yo mongwe o a emelela, “Re ka se sa ba le yona gape. Re ka se be le ye.” Le a bona? O a hwetša, ge o na le semelo go šoma godimo ga sona, eupša ka gona o—o ka se kgone go ba dira ba eme botelele go lekanelā, go ba tliša morago moo ba kilego ba wa.

¹²⁹ Lena, kereke ya Pentecostal, tšwelang thwi ka ntle ga bokerekeleina. Seo ke se Modimo a le ntšhiditše sona, e be e le go ba Kereke ya Gagwe. Le dirile eng? Le retologetše thwi morago go dikologa, la ya thwi morago ka go selo se le tšwelego go sona, “boka mpša mahlatšeng a yona, le kolobe lerageng la yona.” Batho ba dirile selo sa go swana. Gomme bjale ga go phapano ye ntši ka go lena. Le a bona?

¹³⁰ Bjale, ke a holofela ga le nagane ke leka go ba le swele goba yo mošoro. Ke nno rongwa fa. Matšatši a ka a ka no ba a se makae. Ke eme Leineng la Morena Jesu, go le botša se e lego Therešo. Lena marakang Mantšu a ka, ge a sa tle go phethega. Le leka go phadima. E emišeng. Kganya.

¹³¹ Bjale, kereke ya Laodikia ya go huma e dirile selo sa go swana seo mmuši yo moswa wa mohumi a se dirilego, gobane poreisi e be e le ye kgolo kudu. O be a no se kgone go amogela Lentšu la Morena, se a ka se dirago. Bokaone a tsee tsela ya gagwe le matsaka a letšatši, gobane o be a ne tšhelete ye ntši, gomme o be a kgona go ya ntle ka go disosaete tša—tša—tša batho le—le go phela nako ya gagwe.

¹³² Gabotse, yeo e ka ba tsela ye re fihlilego. “Re ka kgona go ba mokgatlo boka ka moka ga yona.” Gomme pentecost ga se mokgatlo. Ke boitemogelo. “Re ka kgona go ba *se, sela, goba se sengwe*. Re no swana le bohole ba bona.” Lena, le hwetša maloko a mantši, eupša le na le eng ge le na le bona. Le a bona? Ga la swanela go dira seo. Yeo ke phošo. Le dira eng? Le dira phošo ye šoro ya go swana ye monna yo moswa yo wa mohumi a e dirilego. Le a bona? Ee. Ba Mmeile ka ntle ka baka la lerato la bona la lefase.

¹³³ Bjale, a re nyakišeng ba bangwe ba batho ba morago kua, le seo ba se dirilego. Gomme a re lebeleleng go...moo re lego lehono.

¹³⁴ Gomme bjale yo mongwe o rile, e sego kgale go fetile, bjalo ka ge ke le boditše. “Eng? Wena, o le moreri, gobaneng wena o dikologa le bona borakgwebo?” Ke ba boditše ke be ke le morekiši wa netefatšo ya Bophelo bjo Bosafelego. Kafao, šeo.

¹³⁵ Gomme seo ke se Jesu a bego a se leka. Lesogana le le bone se sengwe ka go Yena, bjale, seo se be se fapano, gomme o tsebile O be a ne Bophelo bjo Bosafelego. Kafao sebakeng sa go ya go rabi wa gagwe, o tla go Motho yola yoo a mmonego o be a le tlwa Lentšu la Modimo le le hlatseshwego.

¹³⁶ Modimo le Kriste ba be ba swana. Gobane, Kriste o rile, “Ga se Nna yoo a dirago mediro, ke Tate wa Ka.”

¹³⁷ Gomme bjalo ka ge ke rerile godimo ka Central Assemblies, goba First Assembly, bosegong bjo bongwe, ka fao tlhago ye kgolo ya Modimo e tšweeditšego Jesu. Le a bona, tlhago yohle ka moka e be e wele. O be a ka se kgone go tšeа moprefeta, gobane o tswetšwe ka kganyogo ya thobalano, gomme o be a le tlhago ye e welego. Eupša Modimo, ka go lerato la Gagwe, o tšweeditše yo Motee ntle le sebe. Gomme ka fao Yena yo o be a phethagetše kudu le Tate, feela mmele wo o bego o le mo, o bitšwago Morwa, gore Lentšu e be e le Yena. Johane o e hlatholla ka go tema ya 1. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama.” Le a bona?

¹³⁸ Tsela bjale, “Lentšu la Morena le tlide go baprofeta,” eupša Jesu o be a fapano le seo. O be a le Lentšu. Le a bona? Moprefeta o kgonne feela go bolela se—se se beilwego ka molomong wa gagwe go se bolela. Eupša Jesu o be a le Lentšu leo, gore Lentšu lohle la Modimo le kgone go ela ka Yena. Ntle le . . . Gomme O kgonne go hlola, go emiša diphefo le maphotho, le eng gape, gobane e be e le Modimo, ka mehla ka go Lentšu.

¹³⁹ Bjale Modimo o leka go hwetša Kereke ye A ka kgonago go tšweletša Lentšu la Gagwe ka yona. Le a bona, Modimo o šetša godimo ga Lentšu la Gagwe, go—go—go Le hlatsesh.

¹⁴⁰ Gomme A ka kgona bjang go Le hlatsela ge re gana gore Ke Therešo. Le a bona?

¹⁴¹ Kafao, baprista ba, ka lentšu la bona, le ge ba le ka tsela ya bona beng ya go nagana ba be ba nepile tlwa; Bafarisei, Basadutsei, Baherodian, le e ka ba eng ba bilego. E tlide go nako yela gape. Le a bona? Yo mongwe le yo mongwe ka monaganong wa gagwe mong, ba nno dira se se lokilego, boka go bile ka letšatšing la Baahlodi.

¹⁴² Gabotse, go na le magomo felotsoko, gomme magomo ao ke Lentšu la Modimo, gobane O be a le Lentšu.

¹⁴³ Bjale, re hwetša gore ba ratile dilo tše bokaonana go feta ba ratile Modimo. Beibele e rile ba tla dira. Bjale re phela ka letšatšing leo. Bjale, ge seprofeto se boletše selo se rilego, re se bona se direga, gona re—re swanetše go tseba moo phoša ya rena e lego. Re swanetše go tseba mo re swanetšego go feta ka thoko. Bjale, puku ya Kutollo, tema ya 3, e ruta se, gore re be re tla ba ka go Lebaka le. Gomme ke rena ba.

¹⁴⁴ Bjale, go reng ka tše dingwe tša tše, ge nkabe re na le nako go dula go ye nako ye telele? Eupša a re hlaganeleng, go fetša, gobane ke be ke swanetše go be ke sepetše iri ya go feta.

¹⁴⁵ Eupša lebelelang fa. Le ke la pele, ka nnete, Lentšu la Modimo. Bjale a re lekoleng ba bangwe ba baswari ba pholisi ya Bophelo bjo Bosafelego bjo le go bona se e ba bitšago sona, baswari ba Lentšu la Gosafelego.

¹⁴⁶ Bjale, “Ngwanešu Branham, o rile, ‘Lentšu la Gosafelego.’” Ee, mohlomphegi.

¹⁴⁷ Gosafelego ga se gwa ke gwa thoma. Gosafelego ga go na le mafelero. Gomme lentšu ke mogopolo ge o hlagišwa. Leo e be e le go nagana ga Modimo pele ga ge go eba lefase, goba naledi, ngwedi, goba eng kapa eng. Woo e be e le go nagana ga Modimo, se A bego a tla se dira. Gomme ge A boletše Lentšu, ke la Gosafelego, gobane A ka se kgone go tšweletše selo eupša se sengwe sa Gosafelego. Yeo ke tsela e nnoši re nago le Bophelo bjo Bosafelego, ke ge re fediša bophelo bjo bo fapošitšwego bjo le go hwetša Bophelo bjo Bosafelego. Yoo ke Modimo, Zoe, Lentšu thwi ka go wena. Gomme ka gona Lentšu le tla thwi ka wena gomme le iponagatša ka Bolona.

¹⁴⁸ Gomme seo ke se moisa yo wa mohumi a se bonego, gore Jesu yo o be a kgona go ema kua gomme O tsebagaditše Mangwalo.

¹⁴⁹ Jesu o rile, Yenamong, “Ge Ke sa dire mediro ya Tate wa Ka, gona le se Ntumele. Puruputšang Mangwalo, ka gore ka go Wona le nagana le na le Bophelo bjo Bosafelego, gomme ke Wona A boleLAGO gore Ke nna Mang. Ke Wona a pakago ka Nna.” Le a bona? Eupša ba bile le yona e dirilwe thutotumelo kudu, boka re na le lehono, go fihla ba sa kgone go Le bona.

¹⁵⁰ Bjale šetšang. Noage o biditšwe ke Lentšu la Modimo, gomme o tšere peeletšo ka go Modimo, Lentšu la Modimo la tshepišo. O rerile, ga go kgathale go bonagetše gampe gakaakang—gakaakang, gomme ke bontši gakaakang lefase ka moka le sa e dumelago, Noage o dirile peeletšo yela. O beeleditše ka go Modimo, le ge e be e le kgahlanong le saense. Re ka kgona go dula kua nako ye telele.

¹⁵¹ Morena ge a rata, ke nyaka go rera ka “gobalagotheoga,” Lamorena morago ga sekalela, go bona moo re phelago. Go lokile.

¹⁵² Hlokamelang, o... E be e le kgahlanong le tumelo ya bona ya bodumedi. E be e le kgahlanong ka go phatišišo ya saense ya letšatši leo, gore go be go le pula e ka ba efe ka mafaufaung. E be e sa nke ya ke ya na. Kafao, kagona, o ile a swanela go—go—go tše go ema, le go dira peeletšo. Gomme o dirile bjalo, ka go tshepišo ya Modimo. Sathane o mo lekile ka tsela ye nngwe le ye nngwe a kgonnego, efela o swareletše go peeletšo ya gagwe. Gomme e lefile, mo nakong ya bofelo, ka go phološa bophelo bja gagwe.

¹⁵³ Bjale borakgwébo, ke peeletšo efe ye kaonana o ka e dirago go feta yeo, mo nakong ya bofelo moo re lego? Gomme ebile le saense yonamong bjale e tla go dikologa, e na le rena, le go re botša gore ke nnete, “iri ya bošegogare e lokela go ratha.” Gabotse, ke botse bofe dilo tša rena tše kgolo di yago go bo dira? Ke botse bofe kerekèleina ya rena ye kgolo, milione go feta, le go ya pele ka mokgwa wo, le go di aga ka mokgwa woo, ge Bophelo bjo Bosafelego bo letile ntile mošola? Gomme re na le sebakabotse, gomme re laleditšwe go amogela Kriste yo, gore—gore Modimo a ka kgona go go tšeа le go go bea leemong ka Lentšung la Gagwe ka lefelong le le bjalo, go fihla ge o bolela, dilo tšeо—tšeо e di bonetšegopele, le go bolelagopele, le go ya pele, di ka šoma thwi ka wena, nako le nako gabotse tlwa. Ga e tsoge ya šitwa. E ka se kgone go šitwa.

¹⁵⁴ Oo, o re, “Ke bone seo se lekwa.” Ee. Ke a tseba. Gomme o se bona se šitwa, moo go nago le kekišo.

¹⁵⁵ Eupša ge o bona se sengwe sa mmapale, se ka se šitwe, gobane ke Modimo. Gomme Modimo o bea dilo tše bakeng sa mohlala, gore ba bangwe ba ke ba bone.

¹⁵⁶ “Bjang,” o re, “e tla bjang? Ka go ikona bošego bjohle?” Seo se lokile. “Kopano ya thapelo ya bošego bjohle?” Yeo e sa lokile.

¹⁵⁷ Eupša go obamela Lentšu ke moo e tlago, go obamela Lentšu. Le a bona? Go lokile.

Bjale, e lefile, ka go boloka bophelo bja gagwe.

¹⁵⁸ A re—a re nyakišeng peeletšo ye nngwe. Yeo, monna ka leina la Daniele, o tsebile. O be a eya... Kereke e be e eya tlase magareng ga batho ba lefase, kafao o tsebile gore selo ka moka se be se tla retologa ka tsela yeo.

¹⁵⁹ Seo ke tlwa se re se bonago bjale. Pentecost e tšwetše ntile magareng ga lefase.

¹⁶⁰ Go naganeng ka Ngwanešu Glover a dutšego fa. Ke a dumela o ne batho ba Foursquare. Gomme ke be ke bolela letšatši le lengwe le Ngwanešu Shakarian le—le motho yola wa go hlomphega, Ngwanešu McPherson, Ngwanešu Rolf McPherson. Re be re dutše ka gare, gomme ba be ba bolela.

¹⁶¹ Ke ile godimo go lefelo la yo mongwe yoo a bego a amana le mohuta tsoko wa pu—pu pula ya kgogolamooko goba se sengwe. Gomme yo mongwe wa barutiši o be a ntshola ka yona, gobaneng ke “tlile Tempeleng pele? Gomme ka gona ka moragwana... Goba, go tloga go yela.”

¹⁶² Ke rile, “Gabotse, bjale, e nong go elelwa, gore Lutheran e be e le pula ya kgogolamooko go Katoliki. Gomme Wesley e be e le pula ya kgogolamooko go Luther. Gomme Pentecost e be e le pula ya kgogolamooko go Wesley. Mdi. McPherson e be e le pula ya kgogolamooko go Pentecost. Tšohle ke dipula tša kgogolamooko. Bana ba swarwa ke tlala. Ge ba sa kgone go hwetša se sengwe

go ja, ba tla ja ka kotikoting ya ditlakala. Eupša Modimo o tla tšweletša Dijo ge ba no ba komana go Se tšeа.”

¹⁶³ Gomme Mdi. McPherson, mohumagadi yola wa go hlomphega, o phagametše godimo gomme o rile, “Yeo ke therešo, Ngwanešu Branham.” O tšwa go bjo bobotse, bokamorago bja Pentecostal. O rile...

¹⁶⁴ Ke rile go Rolf, “Ge feela fa, gore Tempele ya rena e ile kgole go tšwa go selo se sengwe seo Mdi. McPherson a bego a ba botša ka sona.”

¹⁶⁵ Gomme ba ile go dira dingaka, le Ph.D. le LL.D., gomme ke eng eupša sehlopha sa lešabašaba la go turwa milione wa ditolara, le tlou ye tšhweu godimo ga seatla sa bona? Se le se hlokago ke go boela morago go dikokwane le tlhokofalo ya Ebangedi, morago go selo sa kgontha sa pentecostal se se tšweletšago Kriste ka bophelong bja batho. Yeo ke nnete. Le a bona? Rena, re tloga go dilo tšeа tša kgontha.

¹⁶⁶ Gomme monna yo wa mohumi mo o bone seo. Gomme o tsebile gore Jesu o bile le seo. Gomme O botšištšwe, “Nka kgona bjang go ba le sona?” Gomme Jesu o mmoditše, gomme poreisi e be e le ye kgolo kudu.

¹⁶⁷ Seo ke se Assembles of God, Foursquare, Oneness, le bohole ba bona, ba se dirago. “Selol, poreisi, ke ye kgolo.”

¹⁶⁸ Re no tla morago go tlhokofalo yeo ya Lentšu, ra dumela Leo, gore Modimo a kgone go itlhatsela ka Boyena.

O re, “A O tla e dira?” Nnete. O a e dira.

¹⁶⁹ Bophelo bja gago bo tla phadima kudukudu go feta bopaki bja gago o ka tsogego wa bo fa. Bophelo bja gago bo godimo kudu—kudu go fihla batho ebole ba sa kwešiše bopaki bja gago. Ke gore, moo, tlhokofalo le bokgethwa. Batho ba bahlano ba go loka, ka kgontha ba tladitswe ka Moya, ba tla dira bontši ka Phoenix go feta maloko ohle re nago le wona, ge ba gafetšwe go Modimo, ka go bophelo bja tlhokofalo, gobane Modimo o tla sepediša Lentšu la Gagwe go kgabola fale le go hlatsela Leo go ba Therešo. Gomme selo sa pele le a tseba, dilo di a direga. Kafao le no... Le ka se kgone go e swara fase.

¹⁷⁰ Stefano o be a le sohle A se hlokilego, go dikgorotsheko tša Sanhedrin, khansele mosong wola, e be e le monna yo motee yo a kgonnego go ema kua ka Therešo ka pelong ya gagwe, mo a tsebilego. Gomme E rile, “O be a phadima boka Morongwa.” Le a bona, o tsebile se a bego a bolela ka sona. Lentšu le be le le ka morago ga gagwe. O Le boletsé, o rile, “Botatawešo tlase ka Mesopotamia,” le go ya pele, le go Le hlatholla go bona. O rile, “Lena ba melala ye methata, mašoboro ka pelong, ditsebe! Ka mehla le ganetša Moya wo Mokgethwa. Boka botatawešo ba dirile, botataweno ba dirile, le dira bjalo.” Le a bona? Monna yola o tsebile se a bego a bolela ka sona. O beile Lengwalo ntle kua,

nako yeo go mo tšere bophelo bja gagwe. Eupša o be a hlokofetše, gobane o tsebile se a bego a se dumela, gomme Modimo o se hlatseditše.

¹⁷¹ Gomme ge ba be ba kgatla moisa yo monnyane ka matlapa go iša lehung, o phagametše godimo gomme o rile, “Ke bona Jesu a eme ka seatleng se setona sa Modimo,” ge makoloboto a be a itiela mabjoko a gagwe a mannyane ntle. Efela, Modimo . . . Ga ke dumele o ikwetše go bohloko bja lona. Modimo o bile le yena a hudupane ka matsogong a Gagwe, gomme O mo kobakobeditše ka tharing ya khutšo go fihlela a ile go ba le Modimo. O tsebile. Yena, o tsebile, gomme Modimo o be a hlatsela fao. Le ka lehung la gagwe, o bone Jesu a eme ka seatleng se setona.

¹⁷² Daniele, go tsebeng gore lefase le be le eya go tla ka kerekeng, gomme le dirile. Eupša šetšang. O tšere ye nngwe ya dipholisi tše tša Bophelo bjo Bosafelego le Modimo, gomme o rerile ka pelong ya gagwe gore a ka se senye peeletšo ya gagwe. Amene. Kereke yela, ya Banna bale ba Kgwebo, ge lena batho le ka no tsea mokgwatebelelo wola, ge o ka no kgona go šoma go fihla bofelong bjoo, phihlelelo yeo, gore o ka se tšilafatše peeletšo ye yeo o e dirilego ka go Kriste, ka dilo tša lefase, le matsaka.

¹⁷³ Gobaneng, e ka ba eng e ka phadima le go kganya, gomme ke eng e e obeletsago? Kgabo. Yeo ke nnete. Dikgabo ka mehla di obeletša ka morago ga se sengwe seo se phadimago. Le a bona? Yeo ke nnete. Hlokamelang, ke rena. Seo ke se ke se rago. Le a bona? [Phuthego e opa magoswi—Mor.] Diabolo o tla dira dikgabo go tšwa go lena, ge a ka kgona. Oleka go le dirale nagane gore le tšwa go e tee, go le bjalo, kafao, ka ditshepedišo tša bona tša thuto le dilo tša letšatši le. Eupša ga go bjalo. Yeo ke nnete.

¹⁷⁴ Daniele o rerile ka pelong ya gagwe gore a ka se itšilafatše yenamong ka lefase. O be a eya go boloka motlwaе woo Modimo a o beilego fase, melao ya Modimo.

¹⁷⁵ Gobaneng lena basadi le banna le sa kgone go dira selo sa go swana? Eupša Marilyn Monroe goba yo mongwe ba kotile moriri wa bona, gomme ka gona mosadi wa moreri yo mongwe o dirile selo se se swanago, gomme o nagana gore o na le tokelo ya go se dira. Seo ga se go lebalele go tšwa go Lentšu la Modimo.

¹⁷⁶ Gomme lena bareri le dumelala mosadimogatša wa gago a go etapele go dikologa. A dihlong! A le—a le—a lentšu, go beng *monna*. “Mohlanka wa Kriste ga a kgone go laola ntlo ya gagwe mong, o ya go laola ntlo ya Modimo bjang?”

¹⁷⁷ “Gabotse,” o re, “Ngwanešu Branham, seo, seo e no ba dilo tše dinnyane.” Go lokile.

¹⁷⁸ A re otlolleng dilo tše dinnyane, morago re ya go se sengwe se segolwane. Le a bona? Gona re tla bolela ka Moya wo Mokgethwa, le di—le dilo tša mokgwa wa go amogela dimpho tše Kgethwa.

¹⁷⁹ Boka yo mongwe wa . . . o dirile selo se sa go befa, eupša ke boditšwe, o rile, “Ka mehla o goelela bona banna ka *se*, le go dumelala basadibagatša ba bona go dira *selo*, le go apara dišothi, le ntle mekgotheng, le—le moaparo wo wa thobalano ka kgonthe, taletšo ya thobalano.”

¹⁸⁰ Ga se gantši e kego e bolelwe go tšwa phuluphithing. Ba no nagana yeo ke tiro ya tlwaelo. Re hloka monna wa Modimo, yo mongwe go phagama fale le go sola selo sela.

¹⁸¹ Ba re, “Gabotse, o swanetše go ruta bona basadi mokgwa wa go amogela dimpho tša semoya. Ba rute se sengwe se segolo.” Monna tsoko yo mogolo o mpoditše seo. O beile diatla tša gagwe go nna, o rile, “Ke ya go go rapelela.” O rile, “O se ke . . . Tloga go seo.” O rile, “Selο, Modimo o go rometše go rapelela balwetši.”

¹⁸² Ke rile, “Ge Modimo a rometše monna, O mo rometše ka Ebangedi ya go tlala ge A kile a mo roma le neng.”

O rile, “Gabotse, o ya go gobatša bodiredi bja gago.”

¹⁸³ Ke rile, “Bodiredi e ka ba bofe bjoo Lentšu le tla bo gobatšago bo swanetše go gobatšwa.” Yeo ke nnete. Ka kgonthe.

O rile, “Gabotse, batho ba ya go go gana.”

¹⁸⁴ Ke rile, “Ga ke na mananeo a seyalemoya le mananeo a thelebišene go thekga. Ke lokologile go Kriste. Ke no rera se A mpotšago kua.” Amene. [Phuthego e opa magoswi—Mor.] “Ga ke hloke meneelo.”

¹⁸⁵ Ga ke hloke selo eupša bontši bja mogau wa Modimo, go ema le go bolela Therešo; gomme e sego go itsimeletša ka Lentšu la Modimo, go goga methalothoko e ka ba efe goba dilo tša moriti, go no thuša yo mongwe, go tšea le go ba dira ngwana wa hele momenwagabedi kudu go feta ba be ba le la mathomo. Ba botše Therešo. Gomme ge ke eme kua mafelelong a tsela ya ka, nka kgona go re, “Ga go madi a motho godimo ga ka.” Yeo ke tlhologelo ya ka. “Ga se ka šikologa go le botša keletšo ya go tlala ya Modimo.” Bjale, o ka kgona bjang go ruta batho—batho dipalontshetshere ge ebile ba sa ithute boABC ba bona?

O rile, “Batho ba go tleleima moprofeta, mmoni.”

Gomme ke rile, “Ga ke tleleima seo.”

O rile, “Eupša batho ba a e tleleima. O swanetše go ba ruta dilo tsoko tša go teba.”

¹⁸⁶ Ke rile, “O ka kgona bjang go ba ruta dilo tša go teba mola ebile ba sa ithute boABC ba bona?”

¹⁸⁷ Ka mehla dumela Kriste: ABC. Yeo ke nnete. Eupša ba ka se e dire. Kafao o ya go ba ruta bjang go ela modu wa sekwere le go ya pele, dipalontshetshere tša kgonthe tša Modimo? “O bona dipono bjang? Dilo tše di direga bjang?” Nna!

¹⁸⁸ O nyaka go gogela godimo selo se sennyane se se itšego, seo, sehlopha se sennyane sa kerekeleina se se bonalago go ba selo sa

lefeela go wena, le se sengwe se sennyane sa go phadima sa go phatsima seo o se hwetšago. “Gomme ge nka direga go obeletša ntle bakeng sa—bakeng sa Lentšu, goba se sengwe sengwe boka seo, mopotologi wa ka wa naga o tla nthaka, goba pišopo wa ka o tla ntahlela ntle.” Gobaneng, ge o etla go Modimo, o ya go lahlelwa ntle, go le bjalo. Kafao phapano ke eng? Bokaone ke be... Ge o lahlelwa ntle, o lahlelwa ka gare. Kafao yeo ke yona. Le a bona? Le a bona?

¹⁸⁹ Go ne dilo tše tharo. Modimo ka mehla o mekamekana ka ditharo. Re tseba seo. O phethagatšwa ka ditharo. Elelwang, ka matšatšing a Noage, ba ile *ka* arekeng. Gomme ka matšatšing a Sodoma... Jesu o be a bolela ka ba babedi ba. Matšatši a Sodoma, ba *tšwile*. Ba ile ka *gare*, ka go nako ya Noage. Ba ile *tšwile*, ka go—ka go nako ya Sodoma. Gomme morago ba ya *godimo*, ka go nako ye. Ee. Ba ya ka *gare*, ba ya *tšwa*, ba ya *godimo*! Le a bona?

¹⁹⁰ Seo ke se re se hlokago bjale. Re hloka taba ya go ya godimo. Re hloka go ya godimo go *tšwa* go dilo tše le dilo tše lefase tše di re tlemilego fase bjalo.

¹⁹¹ Daniele o be a sa ye go itšilafatša ka yenamong. Šetšang, o be a eya go boloka Lentšu lela ka lefelong moo Le ka kgonago go elela go kgabola, Lentšu. Le dirile eng? Le rometše Morongwa fase. Le šireeditše bophelo bja gagwe. Ga se a ke a itšilafatša yenamong.

¹⁹² Bana ba Bahebere ba be ba ikemišeditše. Ba rile, “Bohole ka moka ga bona ba a khunama ge dinaka di lla, le ge dipišopo di re, ‘Tibang.’ Gomme ba a goelela, ‘Segwegwana,’ ba a taboga. Eupša,” o rile, “ga re ye go e dira. O ka no e dira. O kgora go re tšhumma. O kgora go re ragela ka ntle. O kgora go dira *se*, goba *sela*, goba *se sengwe*. Eupsa re ka se khunamele seswantšho sa gago, golebjalo.” Le a bona? Ba be ba sa ye go—go tšilafatša peeletšo ya bona. E be e eya go ba Lentšu. Gomme, Lentšu, ba be ba eya go ema godimo. Gomme ge nako e etla go dira sephetho, ba be ba eya go ema ka Lentšu. O phološitše maphelo a bona. E bile le Monna wa bone tlase fale.

¹⁹³ Go na le e ka ba eng re e hlokago mosong wo, ke Monna yola wa bone, magareng ga rená. Yeo ke nnete. Yeo ke nnete. Yeo, bjale.

¹⁹⁴ Bjale, Petro, nako ye nngwe, o be a—o be a se selo eupša motheadihlapi. O be a ne kgwebo, motheadihlapi. Eupša le a tseba ke eng? O bone se sengwe ka go Jesu Kriste, seo tatagwe.... Gabotse, le a tseba, tatagwe, Jona, o be a le monna yo mogolo. O be a le motheadihlapi.

¹⁹⁵ Ke tla no fa terama ye nnyane fa feela pele re tswalela, yeo mo metsotsong e se mekae e latelago. Re... . Feela metsotso ye lesome ka morago ga lesometee. Re tla leka go fetša ka masometharo a

lesometee, ge le ka kgona go e kgotlelela boteletšana gannyane. Kafao, rena, re tla ya pele.

¹⁹⁶ Gomme ke a tseba, Jona a ka no ba a rile go morwa wa gagwe, feels ka go terama ye nnyane, ge a mo tsea le Andrea difarong tša bona. Gomme moriri wa gagwe wo mopududu o phadima, ka morago ga matšatši a go thea dihlapi, moo ba ilego ba swanela go tshepela, letšatši le lengwe le le lengwe, bakeng sa borotho bja bona bja tšatši ka tšatši. Gomme ke kgona go mmona a dutše fale, a re, “Morwa wa ka, theetša, Simone. Go—go tla ba nako. Ka mehla ke be ke nyaka go bona Mesia. Gomme ka mehla re dumetše seo, gobane re tshepišitšwe yo Motee. Eupša, theetša, Simone, morwa wa ka. Go tla ba dilo tše dintši tša bofora di tsogago,” gomme go bile, “pele Mesia wa kgontha etla. Eupša,” o rile, “o tla tseba Mesia yo, Simone, gobane O tla ba tlwa le Lengwalo. Gomme bohole ka moka ga bona ba tla ba kgahlanong le Yena.” O a bona?

¹⁹⁷ “Eupša Mesia yo o tla netefatša, gobane re Bajuda. Re rutilwe go dumela baprofeta bale. Gobane, Morena Modimo o re boditše, ‘Ge go na le yo motee wa semoya magareng ga lena, goba moprofeta, Nna Morena ke tla bolela le yena ka dipono. Gomme se a se bolelago se tla tla go phethega, gomme le tla tseba gore monna yola ke moprofeta.’ Gomme Moshe o re boditše gore Mesia wa rena o tla ba moprofeta. Gomme Mo šetše. Bjale, ga se re be le yo motee lebaka la makgolo le makgolo a mengwaga. Eupša, re be re tseba seo.”

¹⁹⁸ Ka morago ga ge mokgomana wa go tšofala a fetile. Gomme letšatši le lengwe Andrea o be a thetheregile, go theoga go kwa mo—mo monna a bolela, yo a bego a profeta ka go tla ga Mesia. Gomme ka morago ga lebakana, Mesia yo o tlie lefelongtiragalo.

¹⁹⁹ Gomme bjale—bjale, Johane, yo a bego a Mo lebeletše, o bone leswao la Modimo le etla fase. “Jehofa, Modimo a bolela ka Segalontšu, le ka sebopego sa leeba, a bonega godimo ga Gagwe, gomme Segalontšu se re, ‘Yo ke Morwa moratwa wa Ka Yo Ke kgahlwago ke go dula ka go yena.’” “Yo Ke kgahlwago ke go dula ka go Yena,” tsela ya go swana, e no retolla lediri pele ga lehlathhi. Le a bona? Bjale, “Yo Ke kgahlwago ke go dula ka go Yena, goba ke kgahlwago ke go—go dula ka go yena.” Yena, O Nkgotsofaditše. O dirile feels se Ke—Ke tsebago gore O swanetše—O swanetše go se dira, le se Ke boletšego gore O tla se dira.” Bjale, gomme ge Petro a eme, goba ke ra . . .

²⁰⁰ Andrea, a eme fale, o bone seo. Kafao o bone Jesu letšatši la go latela, o rile, “Rabi, O dula kae?”

O rile, “Etla, o bone.”

²⁰¹ Kafao nako yeo o ile le go botša ngwanabo. Ka morago ga go dula le Yena bošego bjhohle, mosong wa go latela o be a kgodišegile ka bottlalo gore Yoo e be e le Mesia. Gomme mosong

wo o latelago, o ile go tsea ngwanabo. Gomme a mo tliša, a re, “Etla pele. Re hweditše Mesia.”

²⁰² Ke kgona go eleletša Simone a re, “Bjale, ema motsoto feela. Ke nna motheadihlapi wa kgwebo mo. Ke nna mo—ke nna Mofarisei godimo mo. Ke nna wa kereke ya go swana papa wa ka a dirilego. Gomme ke bile le dilo tšohle tše tša Mesia, tsela yohle.”

²⁰³ “Eupša ema motsotso, Simone. A o elelwa thuto ya Lentšu la rena—la rena? O elelwa se . . . Ke a tseba o bone dilo tšohle tše. Eupša a papa ga se a re botšapele gore dilo tšohle tše ka matsaka di tla tla godimo, eupša seo e ka se be sona? Eupša re tla tseba O tla ba monna wa Lengwalo. O tla dula le Lentšu gobane O tla ba Lentšu.” O a bona? Kafao ba nno se kgone go kwešiša seo.

Kafao Simone o sepelela godimo, gomme o rile, “Gabotse, ke a thanka ke tla ya go bona.”

²⁰⁴ Gomme ka pela ge a etla ka Bogoneng bja Jesu . . . Bjale, o be a tlogetše go thea dihlapi ga letšatši, ga borotho bja gagwe bja tšatši ka tšatši. O be a le rakgwebo, le a bona. Gomme ka fao a tla kopanong ye. Gomme ka go ye, o sepelela godimo.

²⁰⁵ Gomme ge Jesu a beile mahlo a Gagwe godimo ga gagwe, O rile, “Bonang Moisraele yo ka go yena go sego bomenetša.” Le a bona? Lebelelang. Aowa, ke maswabi. Ke tsopotše monna wa phošo.

²⁰⁶ Sese se A se boletšego. O rile, “Leina la gago ke Simone, gomme o morwa wa Jona.”

²⁰⁷ Ka gona Petro o tšere pholisi. Le a bona? O dirile peeletšo thwi fao. E sego feela gore O be a tseba gore o be a le mang, O tsebile tate yola wa go tšofala wa bomodimo yo a mmuditšego se se bego se tla direga. Gomme o bone Lentšu le hlatselwa. Mmuši yo moswa yola wa mohumi a ka no ba a be a eme, go bona selo sela sa go swana. Eupša Petro o be a lokitše go rekiša kgwebo ya gagwe le boleloko bja gagwe, le go dira peeletšo. E dirile se sengwe go yena.

²⁰⁸ Go reng ka Nathaniele? O bile le segotlo se ntle fale, boka le na le sona fa ka Phoenix. Gomme—gomme letšatši le lengwe o be a le ntle kua. Gomme o be a le mothuti wa Beibele. Gomme ge Filipi a bone se se dirwa, o ile godimo le go mmotša, o rile, “Hei! Re—re hweditše Mesia Yo Moshe a boletšego ka yena.”

O rile, “Bjale!”

“Jesu wa Nasaretha, Morwa wa Josefa.”

²⁰⁹ O rile, “Bjale, a go ka ba le selo e ka ba sefe se sebotse go tšwa go lefelo le lebjalo ka lela? Ke lebeletše. O rile O be a le mang?”

“Jesu wa Nasaretha.”

²¹⁰ “Ke lebeletše godimo ga yo mongwe le yo mongwe wa bapotologi ba rena, gomme ga go le o tee wa bona a boletšego

selo ka Yena. Ga re ne seminari e ka ba efe ya sekolo A tšwago go yona. Aowa."

²¹¹ A le be le tseba, tsela yohle go theoga go kgabola Beibele, baprofeta ba ba tsogetšego godimo, ga re tsebe mo ba tšwago? Ga go bokamorago go bona. Ba nno sepelela lefelongtiragalo, gomme ba sepela feela ka tsela ya go swana. Ga se ba be le maitemogelo morago felotsoko. Ba tlide go tliša batho ba ba tšwetšego ntle ba tlemologile, le go tliša wona mafelelo morago le go a tlema ka Beibeleng gape. Le a bona?

²¹² Moshe o tšwa kae? Motswadi wa go kokobela. Re no tseba motswadi wa gagwe, ga re tsebe selo ka bokamorago bja gagwe.

²¹³ Lebelelang Eliya. Ebile ga re tsebe papagwe le mamagwe e be e le mang; o nno tla lefelongtiragalo.

Lebelelang Obadia. Lebelelang bohole ka moka ga bona.

²¹⁴ Lebelelang Amose, re boletše ka yena bošegong bjo bongwe. Ga go yo a tsebago mo a tšwago. O be a le modiši. Seo ke sohle re se tsebago. O nno tla lefelongtiragalo.

²¹⁵ Efela, ge a feditše mošomo wa gagwe, boka Eliya yo mogolo, Modimo o mo fa go namela koloi go ya thwi ka Legodimong. Le a bona?

²¹⁶ Ga re tsebe mo ba tšwago. Ga ba ne dikolo goba mabokamorago. Modimo o no ba tsošetša godimo, go kgormeletša Lentšu lela morago. Gomme ga ba na le ditlemo e ka ba dife tša kerekeliina go e tlema, le go re o swanetše go dira se, goba go ba bea ka ntle.

²¹⁷ Lebelelang ebile le Johane Mokolobetši, moprofeta yola yo mogolo wa go tsebega, ebile le ka go lešika la moprista, eupša ga se a ke a ya dikolong tša papagwe. O ile a swanelwa ke go tsebiša Mesia.

²¹⁸ O be a ka se kgone. Gobaneng, yo mongwe le yo mongwe o be a re, "Bjale, le tseba Ngk. Jones fa. Ke monna yo mokaone. Le a tseba le mo lemoga bjalo ka Mesia." O be a ka se kgone go kgodišwa ke sehlopha sa banna boka bao.

²¹⁹ O ile ka lešokeng, gobane mošomo wa gagwe—wa gagwe o be o le bohlokwa. Gomme o dutše ntle kua go fihla a kwele go tšwa go Modimo. Gomme o tsebile se A bego a tla ba sona. Gomme ge a Mmone a etla, o rile, "Kwana ya Modimo šele yeo e tlošago sebe sa lefase." Ka moka ga bona ga se ba ke ba tsoge ba bona selo. Eupša o Se bone.

²²⁰ Nathaniele, o be a le mohuta wa go makala. Eupša ge a sepeletše godimo, o mmoditše ka ga se a se boletšego go Petro. O rile, "Bjale, o a tseba gore re baithuti ba Lengwalo. Re a tseba gore Mesia o tla ba moprofeta."

²²¹ Kafao, ge a etla lefelongtiragalo, gobaneng, o sepeletše godimo go Yena. Gomme O rile...O sepeletše godimo ka

phuthegong. Gomme Jesu o lebeletše godimo ga gagwe, o rile, "Bonang Moisraele yo ka go yena go sego bomenetša."

O rile, "Rabi, O ntsebile neng?"

²²² O rile, "Pele Filipi a go bitša. Ge o be o le ka tlase ga mohlare, ka kopanong ya thapelo ntle kua, ke go bone." A mahlo!

²²³ Gomme thwi fao o dirile peeletšo. O dirile eng? Thwi pele ga rabi wa gagwe, moprista, le se sengwe le se sengwe, o dumetše boikaketši bja gagwe. O wele ka maoto a gagwe... gomme go tloga maotong a gagwe, go ya matolong a gagwe, le go re, "Rabi, Wena o Morwa wa Modimo. Wena o Kgoši ya Israele."

²²⁴ Ge, ba bantši ba banna bale ba legoro la godimo ba eme tikologong kua, le dibopego tšohle tša bona le dilo, gomme ba rile, "Monna yo ke Beletsebubu."

²²⁵ Gomme Jesu o ba boditše ba be ba rogaka, ba bitša Moya wa Modimo selo se sebe. Le a bona? Nnete. Oo, nna!

²²⁶ Mosadi yo monnyane sedibeng, go reng ka yena? Ka kgonthé o bile le peeletšo. Ge a etla ntle fale, ka go maitshwarohlephi a gagwe ohle. Kereke e mo tlišitše ka lefelong le le bjalo go fihla a sa tsebe mo a bego a le gona, gomme kafao o nno ya go bommalegogwana; eupša ye bonolo, pelo ya kokobela.

²²⁷ Le e ka no ba lentšu le legolo, gomme ke nyaka le le tše gabotse. O be a kgethetšwepele go ya Bophelong bjo Bosafelego. "Bohle Tate a Mphilego ba tla tla." O ile a swanela go tlela Meetse, gomme o A hweditše, eupša e sego go tšwa sedibeng sa Jakobo. Le a bona? "Ga go motho a ka tlogo ntle le ge Tate a mmitša pele. Gomme bohle A Mphilego ba tla tla. Ke tla mo tsoša gape ka matšatšing a mafelelo." "Bao A ba tsebilegopele, O ba biditše; bao A ba biditšego, O ba lokafaditše; bao A ba lokafaditšego, O ba hlwekišitše; goba, o šetše, O ba tagafaditše."

²²⁸ Šetšang. Ge Lentšu lela, leswao, Lentšu, bohlatse bja Lengwalo bo wetše godimo ga borabi bale le baprista, ba rile, "Monna yo ke diabolo."

²²⁹ Eupša ge le wetše godimo ga seotswa se sennyane sela, go diregile eng? Ka pela le phadimile go ya Bophelong.

²³⁰ Bona borabi ba rile, "Monna yo o na le go bala monagano. Monna yo ke—ke—ke mmolelelamahlatse. Yeo ke tsela ye A kgonago go botša batho bale. Yena ke mmolelelamahlatse."

²³¹ Eupša ka pela ge Leo le rathile mmalegogwana yo monnyane yola, ka seemong sela! Ge le ka be le kgonne go sebotša mmalegogwana yola, ka seemong sela, Le swanetše go dira eng go kereke ya Pentecostal ye e teleimago go ba le Moya wo Mokgethwa? Le bona se ke se rago? Ke a holofela ga Le ye ka godimo ga hlogo ya lena. Le a bona? Le a bona? Le swanetše go dira eng go rena? Eupša ka pela ge le phadimile go batho...

²³² Ka pela ge le phadimile go mosadi yo monnyane, ga se nke a re, "Wena o—wena o Beletsebubu." Mo lebeleleng. O rile, "Mohlomphegi, ke a bona O moprofeta. Bjale, re a tseba. Re a tseba. Re lebeletše yo Motee go tla. Ga se ra ke ra ba le moprofeta lebaka la makgolo a mengwaga. Eupša re a tseba gore Mesia o ya go ba Moprofeta. Re a tseba gore O tla re botša dilo tše ge A etla."

Jesu o rile, "Ke nna Yena."

²³³ Bjale, o a tseba, Monna yo a ka kgonago go mmotša seo, ka nnete o tla botega, ka gore O be a na le Lentšu. Lentšu le be le na le Yena, ka gore Lentšu le tlide go moprofeta. O bile le tlathollo ya therešo ya Lona, ka gore O be a le Lentšu. Gomme ka pela ge Le mo rathile, o be a ne kgahlego ka go pholisi nako yeo. O nyakile peeletšo, ka pelapela. O nyakile a mangwe a Meetse ao a bego a se a swanela go tla sedibeng go a ga. Gomme ka pela ge a Le bone, Le tukištše pelo ya gagwe.

²³⁴ O ile tlase ka toropongkgolo, a re, "Etlang, bonang Monna Yo a mpoditšego dilo tše ke di dirilego. A yo ga se yena Mesia? A se ga se se Mesia a swanetšego go ba sona?"

²³⁵ Gomme Beibebe e boletše gore batho ba toropokgolo ba dumetše Jesu ka baka la se A se dirilego go mosadi yola. Bopaki bja gagwe bo dirile toropokgolo yela go retologa. Bjale, ga se nke A dira mehlolo e ka ba efe. O tsebile Filipi o be a etla tlase go dira seo.

²³⁶ Kafao, boka, Johane ga se a tsoge a ba le mehlolo e ka ba efe, gobane Jesu o be a eya go mo latela.

²³⁷ Bjale, re hwetša gore, gore ba beeleditše ka go pholisi ye, nako yeo.

²³⁸ A nke ke no tšeа yo mongwe goba ba babedi, ge le ka ntshwarela motsotsso, e sego mekiae.

²³⁹ Nikodemo, letšatši le lengwe, o amogetše therešo. Le a tseba, o tlide bošego, go dira peeletšo, gomme o hweditše Panka e butšwe. Ka mehla e bulegile. O naganne, "Gabotse, Panka e dira kgwebo gohle go kgabola mosegare, bakeng sa dipeeletšo tše, eupša ke a dumela ke tla ya bošego." Gomme, eupša o E hweditše e butšwe, e le komana. Gomme o rile, "Rabi, re a tseba gore Wena o Monna yo a rometšwego go tšwa go Modimo. Ga go motho a ka kgonago go dira dilo tše boka O dira, ntle le ge Modimo a na le yena. Seo ga se kgonagale ka go felela." Le a bona, o dumetše fao, go lefase lohle la kerekeleina, gore ba tsebile Le be le le bjalo. Eupša bakeng sa kahlolo, le boikgantšho, le botsebalegi bja leago bja letšatši, feela boka segotlane sela sa mohumi se seswa se dirile, bakeng sa maemo le kwešišo ya leago, gomme ba be ba sa nyake go tlogela lefase.

²⁴⁰ Feel a tlwa boka setšhaba se ga se nyake monna wa bomodimo godimo fale go re phošolla. Ke ka baka leo re jelwego ke seboko ka bokomonisi. Ba ka se tše monna wa bomodimo. Ba tla kgetha

yo mongwe yo a ka kgonago go ba dumelela go phela ka tsela e ka ba efe ba nyakago. Go bonolo go rena Maamerika le rena Bakriste go bolela seo, eupša ge re etla tlase gomme . . .

²⁴¹ Bjale a re boleleng le go e tliša morago gae gatee. Lena maloko a kereke le nyaka selo sa go swana. Le nyaka moreri tsoko, lena basadi, yo a ka se le ahlolego bakeng sa tsela ye le aparago le go phela, yo mongwe yo a tla phaphathago lena batho ka magetleng le go le botša, gore, "Le ka kgonago dira *se, sela, le se sengwe*. Gomme le ka dira boka lefase le go phela boka lefase, gomme la no boloka boipolelo bja lena bja Kriste." Le nyaka dilo tše. Le a e boutela. Le tla boutela monna wa bomodimo ntle setšhabeng sa lena, go tliša monna boka yola ka fale. Ke kganyogo. Ke moywa setšhaba. Ke moywa matšatši a mafelelo, o nyaka go ipolela le go swara boipolelo bja gago, "Ke nna *se*, ke nna Mopentecost, ke nna Momethodist, Mobaptist," gomme o sa swarelela go seo gomme o phela ka tsela efe kapa efe o nyakago.

²⁴² Isebele o bile le naga ka tsela ya go swana, eupša Modimo o ba rometše modiša. Eliya e be e le modiša wa gagwe. Oo, o be a ka se e amogelete, eupša o be a le, go le bjalo. Ya. Nnete.

²⁴³ "Modimo o be a kgonago ka matlapa a go tsošetša Abraham bana." Modimo ga se a swanelo go tla ka sehlopha sa lena goba sehlopha se sengwe. Yena ke Modimo. O dira se A nyakago go se dira, gomme O tla dira. Selo se tee A ka se se dirego, seo ke, go gana Lentšu la Gagwe Mong.

²⁴⁴ Kafao, Nikodemo o tlide, gomme o be a nyaka go dira peeletšo, gomme o hweditše feela se a bego a se kgopela. O be a hlokofetše. O—o Le hweditše.

Re swanetše go hlaganelo.

²⁴⁵ Luka 24:49, go bile le sehlopha sa batho ba dirile peeletšo. Gomme Jesu o ba boditše, ka go Luka 24:49, gore lekgolo le masomepedi, "Le ya godimo kua go Letšatši la Pentecost godimo kua, le go leta go fihla le hlamišwa ka maatla go tšwa Godimo. Ke ya go le romela mašokotše tsoko go se le lena, dipeeletšo tše le di dirilego."

²⁴⁶ O be a ba hweditše. O tšere bjang feela sehlopha sela? O tšere bjang sehlopha sela se sennyane?

²⁴⁷ Letšatši le lengwe ge A bile le bodiredi bja go fodiša balwetši le go bontšha Bomesia bja Gagwe, gobaneng, yo mongwe le yo mongwe, "Oo, semaka, Rabi! Oo, etla godimo kerekeng ya rena. Swara kopano fa, Rabi. Re Go nyaka godimo *mo*. Re Go nyaka godimo *mo*." Gomme sehlopha se segolo sa thoma go Mo latela.

²⁴⁸ Eupša letšatši le lengwe, gore, Modimo o fetotše bodiredi bjola ka go Yena, go tloga go mehlolo go ya go thuto ya Lentšu.

²⁴⁹ Ka nnete o ka kgonago go bala gare ga methaladi. Ga se wa foufala bjalo. Ge e le, o ka kgonago go bea phensele gare ga mahlo

a gago gomme wa bea mahlo a gago ntle, hlokomela, hlokomela, phensele yeo e tla ngwalago Lentšu la Modimo.

²⁵⁰ Hlokamelang, ka pela ge Modimo a fetotše bodiredi bja Gagwe go tloga go mehlolo ya Gagwe. Mehlolo ya Gagwe e ile pele, eupša e sego ka mokgwa woo. O thomile go ba botša Therešo ya go otologa ya Lengwalo le moo ba bego ba eme. Lešaba la sepela go tloga go Yena. “Ye ke Polelo ye thata.” Go diregile eng?

²⁵¹ Ba masomešupa ba ba bego ba Mo latela, O be a ba hломамиште, ba sepetše, le bona. Ba rile, “Ke mang a ka kgonago go kwešiša selo boka Se. Seo sohle se kgahlanong le se sengwe le se sengwe re kilego ra se rutwa.” Go diregile eng?

²⁵² Gomme O retologetše go ba lesomepedi gomme o rile, “Le nyaka go sepela, le lena?”

²⁵³ Moo ke ge Petro a boletše lentšu lela la go makatša, “Morena, re tla ya kae? Mpotše se sengwe se sekaoanana.”

²⁵⁴ Oo, Modimo eba le kgaogelo! O ka kgona kae go hwetša thutotumelo e ka ba efe ye e lego kaonana go feta Lentšu la Modimo? Ke kae o ka hwetšago lerato e ka ba lefe leo le tebilego go feta lerato la Jesu Kriste? O ka kgona kae go hwetša kgotsofalo e ka ba efe ya go teba kudu go feta kgotsofalo ye Jesu Kriste a e fago?

²⁵⁵ Ke eng e go dirago o dire dilo tše o di dirago, ke ka gobane o... Go laetša go se be le selo, mosadi yo a aparago mahlo a gagwe a bolou, le go ripa moriri wa gagwe, le go apara manekure. Gomme monna yo a tla emago le go dumelala mosadimogaša wa gagwe le bana go dira ka mokgwa woo, go ya go laetša gore go na le go se be le selo felotsoko. Seo se swanetše go tlatšwa ka maatla. E swanetše go ba Kriste ka kua. Eupša e ipaka yonamong.

²⁵⁶ Monna yo a kalatšago, a tlišago badumedi go tšwa go sehlopha se tee go ya go se sengwe, go laetša gore go na le go se be le selo fao. O šomela mokgatlo sebakeng sa Mmušo wa Modimo. Ga ke kgathale moo ba yago, ge feela ba tswetšwe ka Moya wa Modimo, ba tla phela bophelo bja Bokriste. Go se be le selo, mediro e paka ka gona.

²⁵⁷ Hlokamelang, ba ile godimo kua bakeng sa moputso. Gomme Modimo o lefile go peeletše yela ba e dirilego, gomme O ba file go fetiša.

²⁵⁸ Bjale, ge sehlopha se sa Pentecostal se nyaka bontši, o phela gabotse le go dira gabotse. Modimo o na le bontši go lefa ka bjona, gomme Panka e butšwe, mosegare le bošego. Eupša ga wa swanelia ke go se re, “Gabotse, ke a thankia ke tla ya godimo kua gatee.”

²⁵⁹ Ba ile godimo kua gomme ba rile, “Gabotse, ke a nagana... Le a tseba ke eng? Re bile godimo fa lebaka la matšatši a mabedi. Gobaneng, ke nagana ge eba O ya go dira e ka ba eng...”

²⁶⁰ “Ke bile mo aletareng, metsotsa ye masomepedi. Ge A eya go mpha Moya wo Mokgethwa, O tla mpha Wona bjale.” Yeo ke, tšeо ke dikgopolo tša rena. Fao ke mo re fihlilego. Tlhokofalo . . .

²⁶¹ Oo, re rata go swana le bana, ge re tsenya ka phaepheng go: bina, le go ya pele. Eupša ke makala ka yona.

²⁶² Morago, matšatši a seswai, matšatši a senyane, go ka reng ge—go ka reng ge Mateo a ka be a phagametše godimo gomme a re go—go Simone, “O a tseba ke eng? Jesu o re boditše go leta godimo mo. Re nepile motheong. Re letile. Bjale, ke a dumela re šetše re O amogetše. O a bona? Ke a dumela re amogetše. A re thomeng. *Lena*, hwetšang sehlopha se se reetšwego ka lena. Gomme *lena* hwetšang sehlopha se se reetšwego ka lena. Ke tla le botša, re tla ya ntle le go rera Ebangedi bjale”? Aowa, aowa. Seo ga se sa šoma le Lengwalo.

²⁶³ Jesaya o rile, “Molawana o tla ba godimo ga molawana, le mothalo godimo ga mothalo; *mo* e tla ba gannyane, gomme *mola* gannyane.” “Swara o tiiše se e lego se sebotse.” “Ka dipounama tša go kekeretša le maleme a mangwe Ke tla bolela le batho ba, gomme ye ke Khutšo. Ye ke go lapološa.” Ba a tseba Joele o tshepišitše, “Ka matšatšing a mafelelo, Ke tla tšhollela,” Joele 2:28, “Ke tla tšhollela Moya wa Ka godimo ga nama yohle. Go tla ba tlotšo ye bjalo, yeo Ke tla laetšago maswao ka magodimong godimo le fase lefaseng, dipilara tša mollo le moyameetse wa muši.” Gomme, oo, nna! Le a bona? Ba letile go fihla boitsebagatšo bja Lengwalo bo tlide. Le a bona? Ba be ba rekišitše. Ba bile le peeletšo ya bona. Ba be ba nyaka mohuta wola wa moperutso.

²⁶⁴ Lehono, sebakeng sa gore kereke e dire seo, re rekiša go boleloko. “Thomang, ba tlišeng ka gare, e ka ba eng, hwetšang bontši go feta Mamethodist ba nago, goba Mabaptist a nago. Hwetšang bontši go feta Maoneness a dirile.” Gomme Maoneness go feta mathrinithi goba matwoness, goba ke ba bakae “-diness” le nago. Ga ke tsebe. Le a bona? Tšohle tšeо, ke eng? Ke sehlopha sa bolefase. Ke sehlopha sa ditšiebadimo. Etlang morago go Modimo le Lentšu la Gagwe le le hlatsetšwego. Amene.

²⁶⁵ Paulo yo moswa wa mohumi nako ye nngwe, a nno tlala thutabomodimo ka fao a bego a kgona go ba; bjalo ka mmuši yo moswa wa mohumi. O be a le tseleng ya gagwe go theogela Damaseko, gomme o bone gore go be go le Seetša se fofetše pele ga gagwe, Pilara ya Mollo, yeo e timilego mahlo a gagwe. Gomme O boletše le yena. Gomme O rile, “Saulo, go thata go wena go raga kgahlanong le diotledi.” Gomme ge a . . . E bonagaditšwe go yena gore yoo e be e le Jesu, e be e le Modimo wa go swana wa Testamente ya Kgale. Le a bona? O E bone fao. O be a Mo dira yo mongwe gape, Beletsebubu tsoko.

²⁶⁶ Eupša ge a bone Pilara ye ya Mollo, o tsebile yeo e be e le Pilara ya Mollo ya go swana yeo a bego a rutilwe gore e etile

Israele pele. Gomme E be e le fao. O rile, “O Mang, Morena?” O Mo lemogile bjalo ka Morena gobane Pilara ya Mollo e be e le fao.

O rile, “Ke nna Jesu.”

²⁶⁷ O dirile peeletšo, le yena. O nyakile Yeo. Selo se a bego a bapetše ka sona botelele kudu, Se be se le thwi pele ga gagwe. O dirile peeletšo ge A hlatsetšwe ka maleba gore yoo e be e le Jesu, gomme O be a le Modimo. O e dirile go tsebjia, “Morena, O nyaka ke dira eng?”

²⁶⁸ Oo, a sephetho sa phošo mmuši yo moswa yo wa mohumi a se dirilego! Rena batho lehono re nagana o dirile selo sa go šiiša. O bjalo ka batho ba Laodikia lehono. O nyaka botsebalegi, ditumišo tša batho, sebakeng sa pholisi ya tirelo (Ye ke Yona.) yeo Modimo o ineela go batho, go phela ka yona.

²⁶⁹ Jesu Kriste o be a le Seswantšho se se hlagištšwego sa Modimo. O be a le se Modimo, ka maatla a Gagwe, a se tšweleditšego; mmele wo o bego o bitšwa Morwa, gobane O be a le Motho. Gomme O tšwa go Modimo. Gomme O be a gafetšwe kudu go Modimo, go fihla, ga se A ke a nagana go bohlakodi gore Yena le Modimo ke Motho yo a swanago. Gomme ba be ba le, gobane Modimo o be a le Lentšu, gomme O be a le Lentšu. “Mathomong go be go le Lentšu, gomme Lentšu le be le le go Modimo.” Gomme fao moo Modimo a kgonnego go tšea Lentšu la Gagwe, ntle le e ka ba eng, tsenatseno e ka ba efe. O be kgafetšakgafetša a dira seo Tate a nyakilego se dirwa. Gomme fao Lentšu le ka kgona go šoma ka Yena fao, go fihla ge Yena le Tate ba be ba le Batee. Seo ke se.

²⁷⁰ Gomme ka gona O tšere bophelo bjola bja go phethagala, le dibe tšohle tša rena, gomme a di bea godimo ga bophelo bjola bja go phethagala. Gomme O hwile gore rena—rena magwaragwara re kgone go ba...re kgone go hwa go renabeng, gomme re tswalwe ke Godimo, gomme Lentšu la Gagwe le kgone go šoma ka rena mediro ya Modimo.

²⁷¹ Oo, a selo sa tšhoganetšo, phošo, yeo kereke e e dirilego, feela tlwa boka moisa yo moswa yo wa mohumi a dirile. O oketšegile ka dithoto tša gagwe. Oo, ee, o dirile botse boka Laodikia, eupša o—o dirile phošo ye mpe. Oo, nna! Gomme o bile yo mogolo kudu le go huma! A re lateleng moisa yo feela metsotso e se mekae bjale.

²⁷² Gomme, ka go botega, ke tla tlogela. Lebelelang, hlokamelang. O...[Ngwanešu o re, “E rere, Ngwanešu Branham!”—Mor.] Hlokamelang. Ke a go leboga. Ke a go leboga, ngwanešu.

²⁷³ Yena, o oketšegile ka dithoto. Bjale, batho ba bantsi ba nagana gobane...Fao ke mo ke kwago ba bangwe ba banna ba kgwebo ba Bakriste, nako ye nngwe, ka mehla ba paka ka dikopanong tše, ka fao Morena a le atlilego. Dinako tše dingwe

tšeо ka go felela ke tšona dintlha tša bohlatse gore le šitilwe. Yeo ke nnete. Sehlopha se sa Pentecostal se fapana bjang lehono go tloga go se se bego se le ka go letšatši lela! Ge ba hweditše Moya wo Mokgethwa, ba lahlile tšohle ba bilego le tšona, go thoma bodiredi. Ya. Gomme, lehono, re leka gore re na le dimilione, le tšohle boka tše mo. [Phuthego e opa magoswi—Mor.] Bjale, yeo ke nnete. Ka kgontha ke therešo. Gomme re ipitša renabeng Pentecostal.

²⁷⁴ Ke boletše seo nako ye nngwe, ka go ye nngwe ya dikopano ke kwele ba bangwe ba banna ba paka, Ngwanešu Demos le bona ba le gona. Ke rile, “Lena banna, ke magareng ga lena gobane ke a le rata, gomme ke nagana le ne se sengwe. Eupša ke ka mo go le thuša, go dira se sengwe le se sengwe ke kgonago. Ke a holofela le a nkwešiša.” Ke rile, “Bošegong bjo, tšohle le di dirilego e bile go bolela ka diCadillac tše kae le nago natšo, le bontsi gakaakang le—le bego le rata go . . .” Ke rile, “Bona banna ba ne diCadillac tše dintši go feta le ka tsoge la ba le tšona. Ba botšeng ka ga ka fao ba ka lahlago se sengwe ba nago le sona, sa dilo tše tša lefase; le go hwetša Sengwe ka pelong ya bona, Modimo Lentšu, go hlatsela.” Le a bona?

²⁷⁵ Go be go le yo mokaone, ngwanešu yo monnyane wa Mopentecostal. A ka no ba a dutše mo bjale. Ga ke na le selo kgahlanong le yena. O phagametše godimo. Gomme ba bantši ba borakgwebo ba dutšego mo ba a tseba ye ke therešo tlwa. Gomme ke rile . . . O rile, “Eupša, Ngwanešu Branham, ke moo phošo ye kgolo e dirilwego.”

Ke rile, “Ke phošo efe Modimo a e dirilego?”

²⁷⁶ O rile, “Gobaneng, batho bale bao ba rekišitšego dithoto tša bona le—le go aroganya magareng ga bahloki, boka Jesu a boditše monna yo wa mohumi go dira, go e aroganya magareng ga bahloki, ba dirile phošo. Ka gore, ka pela ge tlhomaro e tsogile, ga se ba be le legae go ya go lona.”

²⁷⁷ Ke rile, “Ngwanešu wa ka, o teleima go ba Pentecost, gomme o nagana gore Moya wo Mokgethwa o ka dira phošo? Lentšu la Modimo ka mehla le dula le swana.”

O rile, “Gabotse, ga se ba be le lefelo e ka ba lefe go ya.”

²⁷⁸ “Seo ke tlwa se Modimo a bilego le bona go se direla. Morago ba ile go tloga lefelong go ya lefelong, ba phatlalatša Ebangedi. Ba be ba se ne lefelo e ka ba lefe gape go ya.” Le a bona? Ke a tseba. Eupša, lehono, re e tšeа go fapana kudu.

²⁷⁹ A re šetšeng moisa yo wa mohumi yo moswa yo a dirilego phošo ye ye šoro bjalo ka rakgwebo. Ke nyaka go le botšiša, baena. A yeo e be e se phošo ya go šiiša go rakgwebo? [Ngwanešu o re, “Ya.”—Mor.] Batheeletši, a yeo e be e se phošo ya go šiiša go rakgwebo? [Phuthego e re, “Amene.”] Ke taba efe ye kgowlane a ka—a ka bego a phethagaditše e ka ba eng ka yona, go feta go ba le Bophelo bjo Bosafelego?

²⁸⁰ Ke diCadillac tše kae o ka di fago, mafelelong a tsela ya gago? Ke eng se Demos Shakarian a ka bego a se dirile letšatši le lengwe ge pelo yela e thoma go taboga, gomme a be a eya ka ntle? Ke a le botšiša. Naganang ka yona. Ke eng boleloko bja kereke ya lena, ke eng botsebalegi bja lena, bo yago go e dira? Go ya go direga eng go wena ge o na le dilo tšohle tše, nako yeo o swanetše go kopana le Modimo? Ga go dipotla mekotleng ya bahu. O kopana le Modimo ka soulo ya gago. Gomme ka tsela ye soulo yeo e lego, e tšweleditše ke mohuta ofe wa bophelo o lego. Gomme ge bophelo bjola ka go wena bo gana Lentšu le, gona bo tloše, gomme o hwetše bophelo bjo bo tla dulago le Lentšu lela le go dira Modimo go phela ka go wena. Nnete.

²⁸¹ Go na le se sengwe sa phošo, se sengwe se ka se dire basadi go bapela thwi. Ga ke kgathale ke makga a makae ba bolelago ka maleme. Ga ke kgathale ke makga a makae ba dirago *se*. Seo ga se re selo. Kenywa ya gago e bolela kudu go feta segalontšu sa gago. Le a bona? Nnete, e a dira. Moya wo Mokgethwa ke boikokobetšo, go kokobela.

²⁸² O re, “Ga ka swanela go dira seo.” Ke a tseba ga wa swanela. Nku ga ya swanela go kotwa, le yona, eupša e fa wulu ya yona tuutšea, ge o le nku. Bjale, pudi e tla raga mehuta yohle ya go baka ka yona. Kafao bjale o bona moo o emego, ge bakoti ba Modimo ba thoma go go kota. Ga ke bolele gore . . .

²⁸³ Ga ke bolele seo bakeng sa motlae. Le ga se lefelo la metlae. Ye ke phuluphithi. Le ke lefelo moo kahlolo e tšwago.

²⁸⁴ Bjale, nku e tla no robala gomme ya go dumelela go kota, ya lahlegelwa ke ditokelo tša yona.

²⁸⁵ O Moamerika. O ka kgona go ripa moriri wa gago. O ka kgona. O ka kgona. O ka kgona go dira eng kapa eng o nyakago, ka Amerika. O ka kgona go tagwa, wa robala mekgotheng. Gomme—gomme o ka kgona go ba mmalegogwana. O ka kgona go phela le monna, goba monna a phela le mosadi, wa ba mosadimogatša wa molao wa tllwaelo. O ka kgona go ba le ba bane, ba bathlano, ba tshela, ba šupa, ba seswai, bontši bjo o nyakago. O se ke wa dira . . . Ba bangwe ba bona ba na le lesometlano, masomepedi. Phethene ya gago e kae? Ga wa swanela go dira seo. O re, “Gabotse, ge ke le Moamerika, a ga ke na le ditokelo?” Ee, mohlomphegi. Yeo ke nnete tlwa.

²⁸⁶ Eupša o loba ditokelo tša gago ge o le nku, dikwana tša Modimo. Yeo ke therešo. O loba ditokelo tše o nago natšo.

²⁸⁷ Bjale, naganang ka se bjale ge re tswalela. Ya. “Go oketšega ka dithoto.” Ee, mohlomphegi. Bjale re mo latela feela gannyane nthathana, gomme morago re ya go tswalela.

²⁸⁸ Re hwetša, lefelo le le latelago, gore monna yo moswa yo wa mohumi o bile le bontši kudu go fihla a swanetše go be a bile le se sengwe boka molokoloko wa diCadillac.

²⁸⁹ Le a tseba, ba re, ka California bjale, “Ntle le ge o na le bonnyane diCadillac tše tharo goba tše nne, gomme—gomme o na le lefelo le legolo bogolo, ga se wena wa semoya.” E ka no ba “semoya sa lefase.” Batho ba go šokiša; ke tseba baromiwa, ba rera Ebangedi, ntle le ebile dieta maotong a bona.

²⁹⁰ Ke tlide kgauswi, letšatši le lengwe, gomme ke hlokometše moo e rilego, “Legae le legolo *le la ka moso la Semangmang*.” Ke ile godimo *fa*, “Legae *le la ka moso la Semangmang*.”

Gomme ke rile, “Modimo, go reng ka nna?”

O rile, “Lebelela godimo.” Nnete.

²⁹¹ Ge motšhelo wa letseno o mpeile ka tlase ga morwalo letšatši le lengwe, gomme bakeng sa ditšheke tše batho ba bego ba di saenne ka kopanong, go lefela kopano. Motšhelo wa letseno o ile morago mengwaga ye lesometlhano, gomme—gomme o ntirile ke lefe tšona ditolara tše dikete tše masomenne. Ke ile ka swanelo go hwetša banna ka dikenotshepišo le dilo. Gomme ba dutše thwi ka moagong wo bjale, go saena thekethe, gore ke kgone go e lefela ka ditolara tše dikete tše nne ka ngwaga, goba go tlišwa ka gare pele ga dikgorotsheko. Ke rile, “Ga—ga ke e kolote. Šedi dipampiri tša ka, tša motšhelo wa letseno la ka.”

²⁹² O rile, “Ya. Eupša ge bona batho ba saenne tšeke yeo, ba . . . O itsebagaditše wenamong ge o e saenne. E be e le ya gago. Gomme ka gona o e phethotše, go lefa tefo ya kopano.” O a bona?

²⁹³ A yeo ke toka? Aowa, mohlomphegi. Ga go toka. Ke naganne gampe kudu ka yona. Ge, ke lebeletše godimo ka Beibeleng, gomme ke bone gore monna yo mongwe le yo mongwe a kilego a ba le ofisi ya semoya, ka Beibeleng, o be a kgokagane le mmušo. Mmušo o mo hweditše, gobane ke setulo sa diabolo. Tše morago, Moshe, Jeremia, Daniele, baprofeta bohole, ebile le go Jesu Kriste, o hwile ka tlase ga kotlo ya lehu ke mmušo. Ga ba kgone go ba swara ka maitshwaro le e ka ba eng gape, kafao diabolo, setulo sa gagwe se segolo, o se lahlela pele le mmušo. Yeo ke nnete tlwa. Ya.

²⁹⁴ Monna yo wa mohumi o be a oketsegile ka dithoto, nna, moo yo mongwe a ka kgonago . . .

²⁹⁵ Ditolara tše dikete tše masomenne, se seo se rilego go yo mongwe, o lefile ka mokgwa wola. Ke bile le mengwaga ye lesome go e dira ka gare, ka dikete tše nne ka ngwaga. Ke goga ditolara tše lekgolo ka beke. Nka be ke bile le yona. Yeo ke nnete tlwa. Ga ke ititie godimo ga legetla nnamong. Ke le botša se sengwe, se ke . . . Feela mohlala goba se sengwe, gore le kwešiše.

²⁹⁶ Nkabe ke bile le yona, ge nkabe ke tšere tšelete ye batho ba mphilego. Ke be ke tla ba go feta radimilione. Nkabe ke kgonne go ba le ya go otologa, ya meago, le ka be le sa swanelo go hira wo. Ke be ke tla re, “Etlang ka gare, o laoleng.” Le a bona?

²⁹⁷ Eupša, nna, ke lekile go nagana seo, go dira Jesu Kriste Phethene ya ka. A ka be a kgonne go hlola hlapi. A ka be a kgonne go hlola tšhelete. A ka be a kgonne go dira beine go tšwa meetseng. A ka be a kgonne go fepa, ka—ka dikete, ka dihlapi tše pedi le—le llofo goba tše pedi tša borotho. Eupša, efela, O be a se ne lefelo go latša hlogo ya Gagwe. O be a le Mohlala wa rena. E sego se sengwe go phadima, eupša se sengwe seo se kganyago, Ebangedi.

²⁹⁸ Fao re hwetša monna yo wa mohumi, go fihla a bile le dilo tše dintši kudu, go fihla matlolo a gagwe a phatloga gohle, le se sengwe le se sengwe. O rile. “Bjale, le a bona, ge nkabe ke latetše wona mahlanya, le bona moo nkabego ke bile? Le a bona? Eupša bjale ke phetše ka go matsaka, basadi bohole go ntikologa, gomme ke na le sohle se seo ke se nyakago, gomme ke na le bohole bo *semangmang*. Ke eme gabotse le baprista bohole, borabi. Bohle ba mphaphatha mo magetleng, gomme ba re, ‘Ngwanešu Jones, re thakgetše kudu go go bona.’”

Ke a holofela ga go na Ngwanešu Jones fa mosong wo.

²⁹⁹ Eupša, ba mo phaphatha ka magetleng, gomme ba re, “Ngwanešu, re thabile kudu go ba le wena!” “Oo, lena batho bohole, motsotsa feela. Bjale, ke nyaka go le bontšha, fale go dutše Ngk. Levi Levinski Jones,” e ka ba eng e lego, “o dutše godimo fa. Ke yo mongwe wa bathekgi. O re agela kerekere. O dira *se, sela, goba se sengwe*.” Hmm. Nnete. Bjale, leo ke leemo la gagwe fao. O phadima boka Hollywood. Ka kgonagalo basetsana ba khorase le dilo go mo dikologa go be go kgahliša. Gomme o be a na le tšohle tše a bego a di nyaka tša maipshino a lefase le. Yeo ke therešo.

³⁰⁰ Gomme go be go le modiidi moyeng, a robetše ntle kua, a kgopela marathana a se makae. Mateo 5, e rile, “Balehlogonolo ke badiidi moyeng.” Re hwetša Latsaro ntle kua a se na le selo. O nagana eng ka yena? O swietše marathana a se makae, nako le nako, go mo fepa. Ke a makala. Ya.

³⁰¹ Eupša moputso wa gagwe mafelelong o tlie. Ya, o ile a hwetša moputso wa gagwe. Gomme le tla dira, le lena, gomme kafao le nna le yo mongwe le yo mongwe wa go hwa. Ke a tswalela. Moputso wa gagwe o tlie. O hweditše eng? Tirelo ye kgolo ya poloko. Ke kgona go eleletša, kgope ye nngwe ka kholoro ya gagwe e retologile go dikologa, “Tate yo Mokgethwa.”

³⁰² Bothata ke eng ka lena batho ba Pentecostal, le bitšago baisa ba fa, “Tate”? Ke e bona ka go kgatišobaka ya lena. Bothata ke eng ka morulaganyi yola, go le bjalo? Ke naganne le be le le Mopentecostal. Le ema godimo fa gomme le re, “Mokgethwa Tate *Semangmang*,” o bolela bjalo.

³⁰³ Beibele e rile, “Le se ke la bitša motho Tate,” ka mokgwa woo. “Le na le Tate yo motee, yoo ke Jesu Kriste.”

³⁰⁴ Bothata ke eng? Le bona se ke le botšago? Lena le, lena le . . . Ngwang o šetše o le hweditše. Bokaone ripang selo, gonabjale.

³⁰⁵ Bokaone le theetše se ke le botšago. O ka no se nyake go e dira, gobane ke nna “sephantha.” Eupša ga ke hloke tsebo, mohlomongwe, bjalo ka ge le nagana ke a dira. Le a bona? Nka no ba. Mohlomongwe Modimo o swanetše go tsea se sengwe sa go hloka tsebo. Le a bona? Ka mogau wa Gagwe, ke e bona e etla. Ke bona mongwalo wa seatla mo lebotong. Otlologela godimo, goba o ya ntle. Leo ke lentšu le legolo go yo mongwe go le bolela. Ga ke bolele seo ka go nnamong. Ke šušumeditšwe go bolela se, goba ke be nka se se bolele, bontši bjo ke ratago banna le basadi, bontši bjo ke ba ratago.

³⁰⁶ A nke ke le botše se sengwe. Godimo ka go Johane wa Pele 4:17, re hwetša, gore, go sola thata ke feela lerato le itšweletša lonamong bakeng sa Kahlolo. Yeo ke nnete. E no ba ka lebaka la lerato.

³⁰⁷ Ge o bone ngwana wa gago yo monnyane ntle mokgotheng gomme a eya go bolawa, a o tla re, “Go lokile, Junior. Ricky, hani, o dutše thwi fao. O na le nako ye botše”? O tla ba molatedi wa go šokiša wa mme, goba papa wa go šokiša. O tla mo tliša ka kua gomme, ge a e dirile gape, o tla mo retollela godimo ga matsogo a gago le go mo fa se a swanetšego go ba le sona. Nnete. O tla mo fa tšašaolo ye bjalo—ye bjalo go fihla a tla boifa go ya ntle gape.

³⁰⁸ Yeo ke tsela ye Modimo a dirago ba Gagwe. Ga o e bolele go ba le swele. O e bolela bakeng sa lerato. Batho ba ne dilo tšohle di hlakahlahkane, ba nagana lerato e no ba mpša ya mpšanyana tsoko ye nnyane se sengwe. Lerato le otlogile. Modimo ke lerato. Modimo o a sola le go kgalema ka lebaka la lerato. Ke a holofela seo se nwelela feela botebong bjalo ka ge ke se dira pele, le a bona, gore ke—ke lerato le le phošollago. Ke lerato le le phošollago. Gomme lerato la mmapale le tla emela phošollo. Eupša mpša ya mpšanyana go phaphaṭha ka magetleng, le “Ngk. Semangmang, Pišopo Semangmang,” dinako tše dingwe o dira Moya wo Mokgethwa go lla ka pelong ya gago. Yeo ke nnete.

³⁰⁹ Tirelo ye kgolo ya kerekeleina, matikone ohle a tla go dikologa, le bapotologi bohle ba bagolo. Gomme ba bile le tirelo ye kgolo. Gomme, oo, Mokgatlo wa Banna ba Kgwebo wa toropokgolo o a tla, gomme o rile, “Ngwanaborena yo bohlokwa yo a agilego se, le ngwanaborena yo bohlokwa yo a agilego sela, o kgole mošola ka matsogong a Letago, go no ba le nako ya go makatša.”

³¹⁰ Gomme Beibele e rile, “O phagamišeditše mahlo a gagwe godimo ka heleng.” Gomme o bone monna wa moyo wa go šokiša, modiidi moyeng, ntle mošola ka bohwa bja gagwe go tšwa go peeletšo ya gagwe. O dirile peeletšo ya go fošagala, monna yo o dirile. Yeo ke nnete. Ee, mohlomphegi. O bone moswari wa pholisi yo a amogelago Bophelo bjo Bosafelego, gomme mošola o be a le Legodimong. Gomme o tsebile o mo file feela marathana,

go—go mo thuša, e sego dilo tše a bego a swanetše go be a di dirile. O be a se a neela bophelo bja gagwe godimo ga sebakabotse se Kriste a mo filego sona.

³¹¹ Diboledi tše kgolo di tlie, gomme tša re, “Ngwanaborena yo bohlokwa, ke *semangmang*.” Motho a ka bolela selo se tee, eupša Modimo o bolela se sengwe gape. Le a bona? Gomme re hwetša gore bophelo bja gagwe bo be bo sa lekanele, ga se bja tla godimo le se Lentšu la Modimo le se nyakilego. Bjale ke nyaka o nagane ka bja gago mong, ge ke nagana ka bja ka. Le a bona? Diboledi tše gagwe tše kgolo, banna ba bagolo ba eme polokong ya gagwe. Go be go fapana bjang go tšwa polokong ya Abraham!

³¹² Abraham o be a tlogetše mahumo ohle, le leoto la gagwe godimo ga terone go ba Farao wa Egepeta. Gomme o e tlogetše, a sema kgobogo ya Kriste mahumo a magolwane go feta dikereke tšohle le mabotse a Egepeta. O dirile eng? Ge Abraham a hwile, go diregile eng? Ke ra Moshe, sebakeng sa Abraham. Ntshwareleng. Moshe, ge a ehwa, o, a le a tseba ke mohuta mang wa barwalalepokisi a bilego le bona? Barongwa. Gobaneng? Motho o be a sa kgone go mo rwalela moo a bego a eya. O be a swanetše go ba le Barongwa, go mo rwalela moo a bego a eya. Gobaneng? O be a tlogetše matsaka a lefase, gomme o tšere kgobogo ya Kriste.

³¹³ A le, mosong wo, baena ba ka, a le ka seemong sela? A seo ke seemo sa gago sa sebjalebjale bjale, leemo la gago la bjale? A se go hwetša ka leemong go amogela seo?

³¹⁴ Lena dikgaetšedi, a leemo la lena la bjale, a le tla retologela ka tsela Ye gomme la re, “Oo, Ngwanešu Branham, ke—ke a mo rata, eupša o tšwele gannyane ka hlogong ya gagwe”?

³¹⁵ Nka no ba. Ge ke le ka ntle ga hlogo ya ka, ke nyaka go ba, gore ke kgone go ba ka hlogong ya Gagwe. “A nke monagano wo o bego o le ka go Kriste o be ka go lena, gomme o bolele feela Therešo.” Nnete. Bjale, elelwang, latelang Kriste.

³¹⁶ Re hwetša gore, Moshe, o be a na le Barwalalepokisi ba ba bego ba swanetše go mo tšeela godimo. Motho o be a ka se kgone go e dira.

³¹⁷ Eupša monna yo wa mohumi ka kgonagalo o bile le motsebalegi wa toropokgolo, bakeng sa barwalalepokisi, eupša ka heleng o phagamišeditše mahlo a gagwe godimo. Eupša gobaneng? Peeletšo ya gagwe ka go . . .

³¹⁸ Bjale, o be a le moleloko wa kereke. O re o be a se. O be a le. Beibele e rile o be a le. O biditše Abraham “tate,” le a bona. “Tate Abraham,” le a bona, “roma Latsaro.”

³¹⁹ Eupša, o be a le moleloko wa kereke yo a ipoletšego, eupša o be a sa nyake peeletšo ye itšego—ye itšego ka go Jesu Kriste, kafao le bona moo a phagamišitšego mahlo a gagwe: ka heleng.

³²⁰ Morago, o bone mokgopedi yo kgole ka difarong tša Abraham, nako yeo o bile mokgopedi.

³²¹ O ya go kgopela, nako ye nngwe. A o tseba seo? O ya go kgopela, nako ye nngwe. Kafao, ge o se wa loka le Modimo, hwetša go kgopela gonabjale, go ntšha setatšhe sohle go tšwa go wena, lefase lohle go tšwa go wena. Kgopela kgaogelo. Ge o sa dire, o tla hwetša lefa la gago go swana moo moisa yo moswa yo wa mohumi a dirilego, ge sebakabotse se neetšwe go yena.

³²² Go swana le, o bile le Lona le neetšwe go wena ka Lentšu le le hlatsetšwego la Modimo le dirilwe sebele. Amene. Ke ikwela bjale boka mopentecostal a swanetše go ikwela. Lentšu, Therešo, o tla dira eng ka Lona? O ya go dira eng, go Le taboga, le go ya ntle kua le go dira se sengwe gape, go ya ntle le go ja matena a gago? Le swanetše go dira ko—ko kopano ya thapelo. Le swanetše go hlola go ikona. Le swanetše go hlola . . .

³²³ Gomme o ka kgora bjang go e dira mola go se selo fao go e dira ka sona? Ga go tlhogeloa, ga go tlhokofalo! A nke yo mongwe a tle gomme a Le gane, ka Lentšu. Modimo o hlatsela Lentšu la Gagwe. O tshepišitše gore O tla e dira. Ka mehla O e dirile.

³²⁴ Kafao, le a bona, o bile mokgopedi, morago ga tšohle. Dinako tše dingwe re swanetše go kgopela. O se dire phošo ya gago boka a dirile. Dira peeletšo ya gago mosong wo ka go Jesu Kriste.

³²⁵ Ke ya go tše monna yo motee gape wa mohumi, yo motee feela, e ka ba motsotsotso o tee.

³²⁶ Ke sa tšwa go kgabola *Nicaea Council, Pre-Nicaea, Post-Nicaea Council*, le *Nicaea Fathers*, tšohle, go bona moo kereke, go boneng feela moo e dirilego phošo ya yona.

³²⁷ Ke tlie godimo ga dingwalwa tša Mokgethwa Martin, Tours, Mofora. Gomme ke a bona gore o tswetšwe ka legaeng la go huma. Tatagwe e be e le monna yo mogolo wa sešole. Gomme ka Fora, ka letšatšing leo, e be e le tshepedišo gore morwa o swanetšego go dira bjalo ka ge tate a dirile.

³²⁸ Ke nagana seo e sa le selo se sebotse ka tseleng ya Bokriste. Ge Yoo e le Tatago, o Mo šala morago.

³²⁹ Bjale re hwetša gore Martin o be—o be a swanetše go ba le—le lešole. Gomme o bile, le pitšo ka bophelong bja gagwe, ya Modimo. Gomme o kokobetše, ba a tseba. Lešole le lengwe le le lengwe le be le na le mo—mo monna yo a bego a swanetše go pholetšha diputsu tša gagwe, le—le go mo hlokomba, go mmoloka a beakantšwe, gobane o be a le mohlala wa setšhaba, pele ga batho. Gomme ba rile, “Sebakeng sa—sa mohlanka wa Martin, go molaleng mošemane wa lekhalate yo a bego a swanetše go phadimišitše diputsu tša gagwe, o be a phadimiša diputsu tša mošemane wa lekhalate.” Gomme, efela, ebile a

sešo a ba Mokriste. O be a le mohetene, eupša peu yela e kgethetšwegopele e robetše kua.

³³⁰ Go no swana le ge e dirile ka go mosadi yo monnyane, ge a bone mohlolo, gore Jesu o kgonne go mmotša moo bothata bja gagwe bo bego bo le gona. Go phadimile ka mokgwa *woo*. [Ngwanešu Branham o thwantšha menwana ya gagwe—Mor.] E ile Bophelong. Morwa o phadimile godimo ga yona.

³³¹ Gomme o—o ka se kgone go boloka bophelo fase ge letšatši le phadima godimo ga peu. Peu e ka kgona go robala fao go se bophelo ka go yona, e tla no robala fao. Eupša e na le bophelo ka go yona, e tla tla ge letšatši le ratha.

³³² Gomme Martin, efela, pitšo yela ka bophelong bja gagwe, gomme o—o be a nyaka go—o be a nyaka go direla Modimo se sengwe, gomme o be a sa tsebe gore a ka dira eng. Gomme o rile... Letšatši le lengwe o eme hleng le keiti, ge batho ba tsene toropongkgolo, marega a go tonya ka kgonthe.

³³³ Go swana re na le ka Bohlabela bjale. Ke sa tšwa go kwa go tšwa gae, e be e le masomepedi ka tlase ga lefeela, gomme ka kua ka Indiana. Yeo e nyakile go ba rekoto. Ke a thanka ke rekoto.

³³⁴ Go tonya ka kgonthe, gomme batho ba go šokiša ba robetše ntle, ntle le dijo, le go gatsela go iša lehung. Gomme Martin, Mokgethwa Martin, a tla a sepela go kgabola keiti, gomme—gomme fale o bone mokgopedi wa kgale a robetše fale. Gomme moisa wa go šokiša wa kgale o be a le mankgeretla. O be a gatsela. Gomme Martin o eme morago.

³³⁵ Gomme go tlide banna ba feta, ka maemo a magolo. Gomme o rile, “Hle, mohlomphegi. Ke a hwa. A o ka se ke, a o ka se mphe se sengwe? Ke a gatsela. Nka—nka se kgone go e dira go kgabola bošego bjo. Hle le se ke la ntlogela ka hwa.” Gomme ba nno feta kgauswi, gobane o be a se selo eupša mokgopedi.

³³⁶ Martin o eme le go e lebelela. O be a file se sengwe le se sengwe a bego a na le sona. O—o tšere... O be a ne jase e tee. E be e le šolo, boka. E ile godimo ga magetla a gagwe; mašole a bile le tšona ka matšatšing ale. Gomme o be a na le e tee ye kgolo, ye telele, bjalo ka lepae godimo ga magetla a gagwe. Gomme o eme. O tsebile o be a tla gatsela, le yena, bošegong bjoo, ge a be a se na le yona. Kafao o tšere tšoša ya gagwe gomme a e ripa, seripa, ka bobedi. O ile godimo gomme a potoka mokgopedi wa kgale ka go yona, a tšea seripa se sengwe gomme a ipotoka go dikologa.

³³⁷ Ge a ile go theoga mokgotha, ka go dira manka boka ao, ba mo segile, ba rile, “A lešole la go lebega go segiša!”

³³⁸ Ga go pelaelo, lehono, go ema go Lentšu, go emela Therešo, lefase la kerekkeleina le tla re, “O lebega boka selo sa go lebega go segiša. Ke thutotumelo efe o tšwago go yona? Ditshwanelego

tša gago di kae?" Nnete. Ge o leka go dira seo se lokilego, o leka go dira se se lokilego le Lentšu la Modimo.

³³⁹ Bošegong bjoo, ge Martin a sa robetše, o ile a tsošwa, mo borokong bja gagwe. O lebeletše. Go ema ka kamoreng, fao go be go eme Jesu, gomme O be a phuthetšwe ka go seripa sela sa seaparo se a phuthetšego mokgalabje ka go sona. Le a bona?

³⁴⁰ O dirile peeletšo. O hweditše pitšo ya gagwe kua. Gomme o be a le motseta wa lebaka leo. O tlišitše kereke morago go di—di dikokwane tša pentecostal. Monna yo mogolo!

³⁴¹ E sego kgale go fetile, ke lebeletše go Bohwelatumelo, karata, ke kgopetše karata ya Mokgethwa Martin. Mogwera yo wa Katoliki o rile, "Gobaneng, o be a se—o be a se a godišwa."

³⁴² A ka no se be, ka kereke ya Roma, eupša o be a le ka go Puku ya Modimo. O tlišitše Kereke morago go dikokwane tša Ebangedi, morago go kolobetšo ya setlogo ya Moya wo Mokgethwa, morago go Bophelo bja kgonthe bja Modimo. Gobaneng? O dirile seo se bego lokile. O dirile peeletšo go tšwa go mahumo a gagwe, go tšwa go mahumo a gagwe a mahumo a lefase le mahumo a—a se a bilego, gomme o rekišitše le go ba m meeletši wa kgonthe ka go Jesu Kriste. A nke re tšee selo sela sa go swana mosong wo.

³⁴³ Ke a le leboga, bakeng sa šedi ya lena. Tshwarelo go le swarelela botelele bjo.

³⁴⁴ Ga ke tsebe, ye e ka no ba ya ka ya mafelelo. Eupša, ge e etla, ge mafelelong a ka a etla, ke swanetše go kopana le wona letšatši le lengwe.

³⁴⁵ Ge o bapala theipi yela, o tla kwešiša. Ga ke tsebe se se yago go direga.

³⁴⁶ Eupša go tšwa pelong ya ka, bjalo ka morati wa Pentecost, gobaneng ke le fa le lena? Ba bangwe ba lena banešu ba dikerekemaina le re, "O kgahlanong le mokgatlo wa rena." Ga ke dire. Ke kgahlanong le tshepedišo ye e le gogelago ka lefaseng.

³⁴⁷ Ge ke be ke gopola gore Methodist e be e rereša, ke be ke tla ba le bona. Ge ke be ke gopola gore Baptist e be e rereša... Ke tšwa go bona, go ba le lena. Batho ba gešo ke Katoliki. Ge ke naganne yeo e be e rereša, ke be ke tla ba le bona. Ke ba tlogetše, go tla go lena, gobane ke nagana le selo sa kgaušwiši thwi se lego gona. Ke dumela seo. Ge nkabe go se, ke be ke tla be ke bea matsapa a ka felotsoko gape.

³⁴⁸ Le a tseba ga se nke ka ke ka le kgopela peni. Ga se nke, ebile ga se nke ke tšea se le mphago. Ga se tšelete.

³⁴⁹ Ke nyaka le elewe, boka Samuele a boletše, ge ba nyakile kgoši godimo ga bona. O rile, "Seo se swana le lefase. Le se ke la dira seo. Lena batho le na le Modimo yo motee, Kgoši e tee. Dulang le Yena." Ka gona ba a e nyaka, go le bjalo. Ba be ba

nyaka go lebega bjalo ka lefase ka moka. A seswantšho sa kereke ya Pentecostal!

³⁵⁰ Samuele oeme fale mosong wola, gomme o rile, “Lebelelang. A nkile ka tsea e ka ba eng go tšwa go lena, tšelete ya lena?”

“Aowa, ga se wa dira seo.”

³⁵¹ “A nkile ka le botša e ka ba eng ka Leina la Morena eupša se se diregilego?”

³⁵² Gomme Israele, ka segalontšu se tee, e rile, “Ke therešo. Ga se wa ke wa bolela Leineng la Morena eupša se se tliego go phethega.”

“Gona,” o rile, “ekwang nna. Modimo ke kgoši ya lena.”

“Eupša re nyaka kgoši, go le bjalo.”

³⁵³ Gomme seo le tla se dira. A re rapeleng. Ke nagana ke sa tšo ya bokgole bjo ke tsebago mokgwa wa go ya.

³⁵⁴ Tate wa Legodimong, rena re . . . Moya ka go batho o ba dira ba lebelele se sengwe. Go no swana le ge Kayafa a rile, “A ga se nnete gore Monna yo motee o swanetše go hwa, go feta gore lefase ka moka le senyege, setšhaba ka moka se se senyege, a ke re?” Gomme Beibele e rile o profetile, go beng moprista yo mogolo. Moya o bile le tokelo go mo ratha. Eupša o be a fapogile bokgole bjo bokae, go bapola yena Modimo yo a tleleimilego gore o be a mo direla.

³⁵⁵ Ka fao ba opetšego ka tempeleng, “Modimo wa Ka, gobaneng O Ntlogetše?” Gomme yena Modimo yo ba bego ba bolela ka yena, o be a e opela godimo ga sefapano, ka go phethagatšo.

³⁵⁶ Morena, ga go tsela ye ke tsebago go bula mahlo a batho ba. Nka se kgone go ba kgopela go ntshwarela bakeng sa go ripa. Nka kgona bjang go e dira, le go dula therešo go Wena? Gomme ga ke bolele se, gore ba nkwe. Ge ke be nka dira, ke—ke be ke tla ya aletareng ye, ka sokologa, bjalo ka moikaketši. Eupša bjale, lebaka la mengwaga, Morena . . .

³⁵⁷ A nke ba bone gore ka baka la gore—gore ba na le kgwatho ya Moya fa, ebile le ka godimo ga baena ba bona, gomme seo ke se se ba dirago go lebelela se sengwe. Eupša, Morena, O ka se kgone go aga Kereke ya Gago godimo ga se sebjalo ka seo, ge ba hlompha tlhompho, yo motee go tšwa go yo mongwe. “Modimo a ka se abelane Letago la Gagwe le yo mongwe.” A nke ba tlemologe go dilo tša lefase.

³⁵⁸ Modimo, šegofatša sehlopha se sa Banna ba Kgwebo. O ba dirile se—se sediba sa leganateng bakeng sa bodiredi bja ka. Ke a dumela O e tsošeditše godimo ka tsela yeo. Ebile le ka go mehlatloša ye methata yohle, efela O bolokile e ka ba ofe wa bona go se nagane bobe ka nna. Ba mpitša thwi morago gape. Ke a tseba ke tsela ya Gago ya go fihla go batho, Morena. Gomme ke a rapela gore O tla hlompha se ke se boletšego.

³⁵⁹ Gomme ge nako ya ka e fedile, Morena, a nke ke tloge ka khutšo. A nke ke ye, ke se ka swara madi a motho diatleng tša ka, goba e sego kereke, goba e sego thutotumelo ya kerekeleina, goba selo, eupša ka Madi a Jesu Kriste. E fe, Morena.

³⁶⁰ Baena ba ka ba kerekeleina ntle kua, Morena, ba bantši ba bona, go ne ba bakaone, ba bangwe ba banešu ba bakaonekaone nkilego ka kopana le bona, ka go tšohle tša bona, mogohle. Gomme gobaneng ba e dira, Morena? Ge, O tla retologela thwi morago go dikologa le go hlatsela Lentšu lela go ba Therešo, le go laetša gore, lona leswao le le bego le swanetše go direga ka matšatšing a mafelelo, la tsogo, gore Kriste o mo. Gomme ga se monna tsoko. Yoo, ke Moya wo Mokgethwa Yenamong.

³⁶¹ Modimo, ke kgalema diabolo. Ke kgalemela maatla a fešene, le maatla a lefase, ao a foufatšago mahlo a Kereke ya Gago, Morena. Ke a rapela gore o tla tšewa go tloga go bona, gore ba tla tla ka pelo ya go tlala go Wena, le go Go direla matšatši ohle a bophelo bja bona.

³⁶² Re swarele, O Morena. Ke ema boka Jesaya mosong wola, yo a bonego pono. O rile, "Ke nna motho wa dipounama tša ditšhila, le magareng ga batho ba ditšhila ka dipounama tša ditšhila." Morena, a nke Morongwa a tle gape. Gomme a nke A tliše Mollo go tšwa aletareng, le go kgwatha dipounama tša yo mongwe le yo mongwe wa rena, Morena, gore re bolela feela se e lego Therešo, le se e lego Lentšu, le se se lokilego; gore re ke re biletše letšatši le la sebe la—la Boamerika le bolefase di hlakane, ka kerekeng, morago go tshokologo.

³⁶³ Modimo, re rapeletše seo, lebaka la mengwaga. Gomme ge se rometšwe go rena, e tla ka tsela ya go kokobela. Boka ke boletše, ba kgopetše mo—mo mohlabani, gomme ba hweditše Lesea. Eupša ke se O ba rometšego sona, gomme ga se ba Le amogele. Modimo, a nke batho ba se dire phošo gape, go bona Leo. Ga se thutotumelo ye mpsha, kerekeleina ye nngwe ye mpsha, eupša morago go Lentšu, morago go Modimo, Lentšu le le hlatseshwego. E fe, Tate.

³⁶⁴ Šegofatša Ngwanešu wa rena Shakarian, ke ikwela moywa gagwe o etla ka gare go tšwa ka morago ga ka, ke a tseba gore o a fokola, ke a tseba gore Sathane o thwi ka morago ga bophelo bja gagwe bjale. Modimo, ke tteleima bophelo bja gagwe, go fihla O feditše ka le—le letšatši la mafelelo mo. Re thuše. A re rapeletše thapelo ye ya tumelo; mosadimogatša wa gagwe yo monnyane wa go ratega.

³⁶⁵ Ke rapelela borakgwebo ba, bakeng sa balaodi ba, le badiredi ba—ba. O Modimo, hle, ke a rapela ka go la Jesu Leina! Nthuše, Modimo. Nthuše. Ga ke tsebe ke reng gape. Pelo ya ka e a swa. Soulo ya ka e a hlologelwa. A nke ba tle, Morena, ka bose, e sego go se sengwe seo ke se boletšego, eupša a nke ba tle

morago go Lentšu, Morena, gomme ba bone, gomme ba dule fale go fihla ba bona e direga. E fe.

³⁶⁶ Gomme, Tate, ke gaša Peu. Ke a tseba, ge E wela ka mobung wola o kgethetšwegopele, E tla bonega le go phadima, go kganya bakeng sa Letago la Modimo. Re thuše, Tate. Re neela se go Wena bjale, Leineng la Morena Jesu.

³⁶⁷ Ge re sa ne dihlogo tša rena di inamišitšwe, a go ka ba ba bangwe fa mosong wo, ba tla rego, “Ngwanešu Branham, ka therešo ka pelong ya ka ke a dumela yeo ke nnete, gomme ke—ke nyaka go bowa. Ke—ke nyaka peeletšo mosong wo. E sego—e sego gape ka go . . . Ke tla dula ka kerekeng ya ka”?

³⁶⁸ O se tlogele kereke ya gago. Aowa, mohlomphegi. O dula thwi ka kerekeng ya gago, kae kapa kae o lego, le go rata modiša wa gago, le go rata maloko ohle, le se sengwe le se sengwe gape. Rata yeo. Eupša, oo, dula ka fale, e sego go phadima ka selo tsoko sa lefase, e sego go bea se sengwe sa go fapania, eupša kganya ka Letago la Modimo, ka boikokobetšo, go rata go tšea kgobogo ge ba go biša wa fešene ya kgale. Gomme o . . .

³⁶⁹ Ka kerekeng ye kgolo, letšatši le lengwe, ye nngwe ya dikerekemaina tša godimodimo tša Pentecost; monna, modiredi, o emeletše. Gomme mohumagadi o be a na le moriri wo motelele, gomme o be o phothilwe ka morago. O rile, “Palune ya gago e swanetše go phohlišwa.” O rile, “O fapania le ka moka ga bona.” Sela sa go šokiša, seemo sa bokgelogi! Hmm. A nako!

³⁷⁰ Oo, a o tla e amogela? Phagamiša seatla sa gago, e re, “Nna, ke tla dira. Ke tla dumela. Modimo, ke nyaka go dira peeletšo mosong wo. Ke nyaka go neela bophelo bja ka. Ke nyaka peeletšo. Ke bile . . . Sebakabotse se neetšwe nna. Ngwanešu Branham, ke a tseba gore—gore Modimo o tlemegile le go bolela le wena, goba o be a ka se dire dilo tše. Ke a tseba se se tšwa go Modimo. Ke nyaka go dira peeletšo, gomme ke ya go ema ka maoto a ka gonabjale le go re, ‘Ke nna yo mongwe wa peeletšo. Ke gafela bophelo bja ka ka boswa, gonabjale, go Jesu Kriste.’”

³⁷¹ Emelela ka maoto a gago, mogohle, gomme o re, “Ke beeletša bja ka.” Tate wa Legodimong, a re phagamišetšeng diatla tša rena go Yena bjale.

³⁷² Tate wa Legodimong, Leineng la Jesu Kriste, re dira boikgafo bjo. Ga ke tsebe se bo tla se rago. Ba bangwe ba bona ka kgontha ba a e ra, ke a thankia, Morena. Ba bangwe ba bona ba nno ema. Ba bangwe ba eme gobane ba bangwe ba eme. Ba bangwe ba eme gobane O bolela le bona. Ba bangwe ba kwele Lentšu la Modimo. Modimo, nka se kgone go e aroganya. Eupša ke a rapela gore O tla dira, Morena, bjale. Gomme romela Moya wo Mokgethwa, le tirelo ye kgolo ya boikgafo go Modimo.

³⁷³ Bjale e nong go phagamiša diatla tša lena le dipelo tša lena. Le se tshwenyege ka matena. Ke phapano efe yeo a e dirago? Le na le . . . Le se kgathale ka seo.

³⁷⁴ Ke, gonabjale, bošegogare. Saense e re, “Ke metsotso ye meraro go fihla bošegogare.” Eupša ye e ka no ba iri ya gago ya bošegogare. Ke tlwa, godimo ga mothalo, iri ya lesomepedi. Ke be ke sa tsebe seo. Gomme ye e ka no ba iri ya lesomepedi, strouku sa bošegogare bakeng sa ba bangwe ba lena. E tla ba gore o a E amogela, goba . . . E sego go nkamogela, e sego go amogela se ke se boletšego, eupša go amogela Ebangedi ya go tlala, maatla a go tlala, Beibele ya go tlala, se sengwe le se sengwe Modimo a se bolelago. E amogela, goba go tla ba thari kudu.

³⁷⁵ Bjale e nong go phagamiša diatla tša lena gomme le rapele. Boka, ke ya go le dumelela le rapele. Ke rapetše go kgabola. Lena rapelang bjale. Go tšwa go lena. Modimo a le šegofatše. 

63-0126 Dipeeletšo
Ramada Inn
Phoenix, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org